

現代生活藝術系列

# 華嚴經疏論纂要

119

普賢行願品別行疏鈔纂要

華藏淨宗學會印贈

大方廣佛華嚴經普賢行願品別行疏鈔纂要卷第  
一百之十九

敕太原府大崇福寺沙門澄觀撰別行疏  
終南山圭峯草堂寺沙門宗密述隨疏鈔

閩鼓山私淑比丘道需纂要

○第五隨文解釋。此經既屬大經。望貞元所譯。乃是五相之中。第五顯因廣大相之中。第五重示普因故。則三分之中。但有後二。鈔五相者。此品初三卷。明本會竟。從第四經已後。即文殊大士出善住樓閣。行化南方。文分四。一六千比丘會。二諸龍會。三三乘會。四明漸證所表。即善財歷事善友。徧求法門。名爲末會。遇五十五聖者。所得法門。攝爲五

相交殊等四十一人。名寄位修行相謂文殊一人寄十信。餘四十人。寄三賢十地也。四十人者。謂德雲比丘。海幢比丘。善住比丘。彌伽大士。解脫長者。海幢比丘。休舍優婆夷。毘目瞿沙仙人。勝熱婆羅門。慈行童女。已上十人。寄十住。善見比丘。自在童子。具足優婆夷。明智長者。法寶髻長者。普眼長者。無厭足王。大光王。不動優婆夷。徧行外道。已上十人。寄十行。鬻香長者。船師婆施羅。無上勝長者。師子頻申比丘。婆須密女。鞞瑟胝羅長者。觀自在菩薩。正趣菩薩。大天神。安住地神。已上十人。寄十迴向。娑珊婆演底王。夜神。普德淨光王。夜神。喜目觀衆生王。夜神。普救衆生王。夜神。寂靜音海王。夜神。守護一切衆生王。夜神。開敷一切樹花王。夜神。大願精進力救護一切衆生王。夜神。妙德圓滿王。夜神。釋種女瞿波等。已上十人。寄十地。已上共四十一人。兼文殊。名寄位修行相也。第二遇摩耶夫人等一十一人。名會緣入寶相。謂摩耶夫人。正念光女。徧友童子。師善知衆藝童子。堅固長者。賢勝優婆夷。妙月長者。勝軍長者。最寂靜婆羅門。

德生童子。有德童女。遇此十。一人名會緣。入實相者。謂會前次位差別之緣。同入實相理。寄等覺位。親生妙覺。爲佛母故也。第三遇彌勒。一人名攝德。成因相。謂攝前會差別緣。歸一實之德。明一生補處。以爲正因。第四再見文殊。一人名智。智無二相。謂初遇文殊。表信智。再遇文殊。表證智。既與本智相應。冥合無二。離能所相。離分別相。智體獨立。故不見文殊身相。但摩頂得法也。第五遇普賢。一人名顯因。廣大相。謂由前智極心冥。詞亡慮絕。故觸物皆道。法法全真。依正渾融。重重無盡。故隨舉一法。卽是圓因。一切皆爾。由是善財於普賢。一毛孔中。所得法門。過前佛利微塵數倍。一切皆然。大疏序云。寄位南求。因圓不踰於毛孔。旣一切無非圓因。無不包徧。故云顯因廣大相也。第五顯因廣大相中。第五重示普因者。謂此第五相中。經有五分之一。依教趣求。分二。聞觀前相分。三。見聞親證分。四。聞佛勝德分。五。重示普因分。前四分在三十八後一半。及第三十九卷中。第五重示普因分。前四分在三十八後一

序分在於四十卷中第

一卷故。補注曰云序分在四十卷中第一卷者。以行願品全文四十卷。此卷最後則序分在彼第一卷。今以此卷接大經第八十卷三十九品後。則序分在此法界品第一卷首。此品當法界品末也。前疏云。今此別行無對待。是未接大經也。今接大經。依此判之。於理頗順。今

經別行。亦爲三分。初明序分。卽結前所說。第二若欲成就此功德下。以爲正宗。第三爾時世尊與諸聖者菩薩摩訶薩演說如是不可思議解脫境界勝法門時下。辨其流通。三分之義。不異常談。今經別行。亦爲三分。初明序分。卽結前所說者。此卽發起序。非是證信序。今證信序在品之初。故文中但有發起序也。發起序者。謂指前所歎如來殊勝果德。說無窮盡。生起意。勢云。修何因行。證得如斯之果。便說普賢行願。示以普因爲正宗也。故以結前已說而爲序分。自

彌天卽道安和尚時人號寶印手菩薩辨推鑿齒智達百升科經遠合於親光立姓果同於增一高判經無大小例開三分序正流通以聖人說教必有其漸將演微言先彰由致故云序分由致旣彰當機授法故曰正宗正宗旣陳務於開濟近益當時之會遠益未來之機使千古洪規傳芳不絕故曰流通今初文二二結前廣偈

爾時普賢菩薩摩訶薩稱歎如來勝功德已

〔疏〕勝功德卽指前廣偈

○二結說不盡

告諸菩薩及善財言善男子如來功德假使十方一切諸佛經不可說不可說佛刹極微塵數劫相續演說不可窮盡

〔疏〕以前文云。無能盡說佛功德者。猶謂通於因人  
難說。今明果人勝而且多。歷劫長久。相續無間。說  
尚不盡。况於凡小而能說耶。以是究竟無盡法故。  
鈔爾時普賢菩薩者。標能讚人。稱歎等者。舉所作  
業。言菩薩等者。卽是通稱。卽凡是修行菩提行者。  
總名菩薩。言摩訶薩者。大般若三十六云。菩薩於  
大有情衆中。定爲上首。名摩訶薩。地上菩薩皆得  
此名。况今普賢。是得果不捨因門。菩薩也。上明能  
讚人。竟言告諸等者。告示令知也。言善財者。謂此  
童子。初入胎時。於其宅內。自然而出。七寶樓閣。其  
樓閣下。有七伏藏。於其藏上。生七寶牙。所謂金銀  
瑠璃。玻瓈。赤珠。碑磬。瑪瑙。善財童子處胎十月。然  
後誕生。形體端正。支分具足。其七伏藏。縱廣高下。  
量各七肘。忽自開現。光明照耀。內外家族。視之無  
厭。復於宅中。自然而有五百寶器。珍奇雜寶。各各  
盈滿。以此事故。父母親屬。及善相師。共名此兒。名  
曰善財。領五百童子。於福城東古佛廟前。參禮文

殊。最後參見普賢。卽菩提場。如來會中。爲說顯因。廣大相也。又以大聖知此童子。已曾供養過去諸佛。深種善根。信緣廣大。常樂親近。諸善知識。身語意業。皆無過失。勇猛精進。淨菩薩道。求一切智。成佛法器。其心清淨。猶如虛空。以是當機。誠宜授法。故偏告也。讚所經時中。經言不可說不可說者。如大經阿僧祇品。明法數有一百二十四。謂十萬爲洛。又百洛。又爲一俱胝。俱胝俱胝。爲一阿庾多。此下倍倍數。至一百二十。名不可量轉。不可量轉。不可量轉。名一不可說不可說。爲一不可說不可說。今言不可說。又以此倍倍數。名一不可說不可說。轉。今言不可說。不可說者。卽當第一百二十三。數理實。但是超劫波。此云分別時分。有其多種。今舉大數。但是多時。亦不定。其是何等劫。設經大劫。亦不可盡。意取世界無竟期。故可知。疏指前廣偈者。第三十九品。半卷經。廣以偈讚佛德。末後結云。利塵心念。可數知。大海中水。可飲盡。虛空可量。風可繫。無能盡說。佛功德。若有聞斯功德海。能生歡喜信解心。如所



稱揚悉當。獲慎勿於此懷疑念。疏以前文云。無能盡說。至而能說。即者。此對前偈讚說。無盡有三種。過倍之勝。一前因此果。二前。一此多。三前時短。此時長。謂前因位菩薩位劣。又只是一人。但一時間說之無盡。尚未為奇。今明是果佛已勝。故數又總包十方一切之多。時又剎塵長久之劫。如是一而說。亦無窮盡。方為不思議玄妙之極也。

○二正宗分。謂正示普因。即廣說能證普賢行願。

令入法界。則成如來勝功德。故若不依此普賢

行修。設經多劫。亦不成故。鈔廣說能證普賢行願等者。賢首大師華嚴玄義章十五門第十明入道方便門有三。一

嚴玄義章十五門第十明入道方便門有三。一簡心。二簡境。三造修勝行。一簡心之中。有藥有病。病有麤細。麤謂二種巧偽修行。一內實破戒。外現威儀。二內雖持戒。為他知故。求名利。故細謂二種情計不破。一雖真心。而計我修行。二雖不報我。而計有法藥。中有別有通。別謂隨前病。

麤細對治。通謂但觀諸法平等。諸病自盡。二簡境之中。有倒有真。倒謂情計之境。對前心病。故境顛倒。真謂三乘空有不二境。及一乘無盡寬對前藥治。故見真境。三造修勝行者。於中有始有終。一始中有三種。一捨緣門。有六。一捨作惡業。二捨親屬。三捨名聞利養。四捨身命。五捨心中。六捨能所。二隨緣門。有四種。一還於前六事。知不受。三於違情境。乃至斷命等。怨皆應守心。歡喜忍受。四凡所有作。遠離巧偽虛詐。乃至一念。亦不令有三成行門。謂得前二門成。萬行也。二終者。亦三種。一捨緣門。卽止也。唯觀諸法平等。一相諸緣皆絕。二隨緣門。卽觀也。還就事中起悲願行。三成行門。卽止觀雙運。此科正標能證行願。又是十種之初。故用入道義章。今知總相行體。審詳文意。勿厭其繁耳。若不依此。普賢行修等者。則積行苦。薩曠臆鱗之意也。文在出現品。序中。已具引。若更要說。卽尋彼文。故須離念亡情。而本智自照。則所行文。二。一正陳所說之行。一皆成普賢行也。

一。二。一長行。二偈頌。長行中。二。一正示普因。四。一  
標示所應

若欲成就此功德門。應修十種廣大行願。

〔疏〕上句指上佛德。下句正示普因也。希欲爲願。造  
修爲行。寄圓說十

○二徵列名數

何等爲十。一者禮敬諸佛。二者稱讚如來。三者廣修  
供養。四者懺悔業障。五者隨喜功德。六者請轉法輪。  
七者請佛住世。八者常隨佛學。九者恒順衆生。十者  
普皆迴向。

〔疏〕然此卽是長行禮懺。諸經論中。開合不同。若離垢慧菩薩所問禮佛法經。總有八種。一供養。二讚佛德。三禮佛。四懺悔。五勸請。六隨喜。七廻向。八發願。鈔若離垢慧經。至八種者。此經唯一卷。其八種之益。若通說。則俱離諸障。俱至菩提。若別說。則供養除慳貪障。得大財富。讚佛除惡口障。得無礙辨。禮佛除我慢障。得尊貴身。懺悔除三障。得依正具足。勸請除慢法障。得多聞智慧。隨喜除嫉妬障。得大眷屬。廻向除狹劣障。成廣大善。發願除退屈障。總持諸行。速得妙果。其在下文。或但爲七。合禮讚故。或八種釋名辨相。具在下文。但爲六。畧供養故。或但爲五。以發願廻向。但總別異故。如十住毘婆沙第五廻向。亦同有五。或但有四。除禮拜故。或但爲三。故智度論云。菩薩晝夜三

時各行三事。謂懺悔。勸請。隨喜。行此三事。功德無盡。轉得近佛。若善戒經。但有二事。謂懺悔。迴向。皆隨時廣畧。今文具十。以表無盡。六。七。二事。俱是勸請。八。九。二事。迴向。開出。餘至文顯。六。七。二事。俱是勸請者。如晨朝安樂。諸衆生。卽第六也。又云。十方一切佛。若欲捨壽命。我今頭面禮勸請。令久住。卽第七也。八九二事。迴向。開出者。八。卽迴向。苦提。九。卽迴向。衆生。十。正云。迴向。卽總該三處。而十種爲行願。故發願一種。更不別標。則於前八中。增三減一。成圓十也。

○三牒名別釋二。一總徵

善財白言。大聖云。何禮敬。乃至迴向。

○二別釋。卽爲十段。段各有三。一牒名。二釋相。三

總結無盡第一禮敬諸佛。二。二牒名

普賢菩薩告善財言。善男子。言禮敬諸佛者

疏由心恭敬。運於身口而徧禮故。除我慢障。起敬

信善。

鈔言除我慢障者。謂由有我故。於他起慢。因我起名為我慢。此禮敬行能對治之。由斯

生起敬信善業。故云除我慢等也。

勒那三藏說七種禮

言勒那三藏等者。高

僧傳中名勒那漫提。此翻寶意。本天竺人也。元魏時來至洛京。住永寧寺。學善五明。兼攻道術。常講

華嚴經。抑揚眾教。說斯禮敬。有其七種。疏主七外。更加三種。以圓十禮也。其十門禮。今約賢首大師

五教料揀。二非儀故。非五教。三即通第一第二教。四亦第二教。五六第三教。七第四教。八九十合為

第五。今加為十。謂一我慢禮。如碓上下。無恭敬心

教。一謂我慢禮者。此兼下第二。今知非儀而不用也。如碓上下者。志公云。行道僧如推磴。禮拜恰似客

春正呵此也。今禪學人不得此意者。一唱和禮高。每用此語。一向毀於禮懺甚為失也。

聲喧雜。辭句渾亂。此二非儀。三恭敬禮。五輪著地。

捧足殷重。三恭敬禮等者。此通人天及二乘并權。教大乘六度菩薩等禮。五教中。即第一。

愚法聲聞教及第二教中分教義也。五輪者。兩手。兩膝兼頂也。離垢慧經。一發願。初總者。我今五

輪於佛作禮。為斷於五道。離於五蓋。令諸衆生常得安住五通。具足五眼。若別者。願我右膝著地之

時。令諸衆生得正覺道。願我左膝著地之時。令諸衆生於外道法中不起邪見。願我右手著地之時。

猶如出尊。坐金剛座。右手指地之時。震動現瑞證大菩提。願我左手著地之時。於諸外道以四攝法

而攝取之。令入正道。願我頭頂著地之時。令諸衆生離憍慢心。悉得成就無見頂相也。疏云。捧足者。

謂所禮者之足也。即此段能所具矣。三業備矣。謂以最尊之頂。鳴捧三寶最卑之足。敬之至也。故云。

殷重。殷重。意業也。發願及稱名讚歎。即四無相禮語業也。五輪。即身業也。故三業備也。

淡入法性。離能所相。四無相禮等菩薩。正當第二始

故中論云。以有空義故。一切法得成。既順於空。故是始教。五起用禮。雖無能所

普運身心。如影普徧禮不可禮。五起用禮等者。第

空入假依體起用之菩薩也。由前空觀悟法無能無所故。此知法無性。不計定相。故觀能禮所禮。皆

如影像。一一全是性之緣起。故得普徧也。六內觀禮。但禮身內法身真

佛。不向外求。六內觀禮等者。第三教中實教禮也。謂顯實宗。不計空假。直見本覺真性。

故云法身真佛。故起信論云。離念相者。等虛空界。即是如來平等法身。依此法身。說名本覺。言離念

相者。離空假之念也。背覺合塵。攀緣外境。為不禮敬。心不攀緣外境。背塵合覺。為歸依禮敬也。亦可

第四空觀禮。真諦佛。第五假觀禮。俗諦佛。第六中觀禮。第一義諦佛也。七實相禮。若

內若外。同一實相。七實相禮者。第四頓教禮也。前無相禮。但是初教空理。不名為



頓今非空非不空。非禮非不禮。非取內真佛非棄外假佛。內外無奇。浪絕棲託。但得如此。不住於法。自然常冥法界。常禮諸佛。故云實相禮也。故仁王經說。佛問波斯匿王言。汝以何相而觀如來。波斯匿王言。觀身實相。觀佛亦然。無前際。無後際。無中際。不住三際。不離三際。不住五蘊。不離五蘊。乃至云非相非無相。非取非捨。非大非小。非見非聞。非覺非知。心行處滅。言語道斷。同真際等法性。我以此相而觀如來。佛言。善男子。如汝所說。諸佛如來。力無畏等。恆沙功德。諸不共法。悉皆如是。修般若波羅密多者。應如是觀。若他觀者。名為邪觀。疏言。若內者。收前第四及第六門也。言若外者。收前第三第五門也。又若內者。即當一心。八大悲禮。隨一三觀也。若外者。即當一境三諦也。八大悲禮。隨一禮。普代衆生。八大悲禮者。此下三門。總為第五門。猶是同教一乘。同於終教。約能禮人。一具一切。故屬圓教。未顯事事無礙。事事融攝。故非圓中之別教。九十二門。方全是別教一乘也。大悲禮者。謂前雖觀智圓明。未顯大悲利物。豈名菩提薩埵之禮。

乎。謂上之四門。觀智圓明。但有菩提之義。未具薩  
埵之義。故次第八明大悲禮。普代衆生也。故此明  
以同體大悲。物我無二。我既禮也。卽衆生皆  
禮我。離慢也。卽衆生皆離。故名大悲禮也。九總  
攝禮。攝前六門以爲一觀。九總攝禮者。謂融前六  
卽事事無礙也。但攝六者。一非儀故。謂夫欲禮  
敬者。先須五輪著地。捧足殷重。三也。深入法性。離  
能所相。四也。普運身心。禮不可禮。五也。但禮內佛  
不向外求。六也。若內若外。同一實相。七也。隨一  
禮。普代衆生。八也。方稱普  
賢行願禮也。故云總攝也。十無盡禮入帝網境。若  
佛若禮。重重無盡。十無盡禮者。重重無盡之義。如  
明見。不思議。數無量佛。一切毛孔皆如是。普禮一  
切世間燈。亦以言詞。普稱讚。窮盡未來一切劫。一  
如來所供養具。其數無量等衆生。此亦兼證讚歎  
供養。又晉經云。於一微塵中。見一切諸佛。菩薩衆  
圍繞。法界塵亦然。一一如來所。一切利塵禮。若依  
此禮。則一一禮。無盡功德。豈可量哉。不入斯觀。徒

自疲勞也。文中正辨第五九十。實通後八對文可知。文  
正辨第五九十等者。以第五起用禮。雖無能所。而  
普運身心。如影普徧。禮不可禮。此普賢行願亦須  
如此。普運身心。第九第十。正同此。華嚴宗故云。正  
辨也。言實通後八者。以前第九中。總攝前六。故知  
此中實通後八也。

○二釋相三一所禮境

所有盡灑界。虛空界。十方三世。一切佛刹。極微塵數  
諸佛世尊

疏謂橫豎普周。盡帝網境。鈔橫豎普周者。經中微細周徧及眾會圍繞。具

如第二稱讚。第三供養門中文相備足。請互用之。下諸門中。兼有海會菩薩及聲聞眾等。

○二能禮因

我以普賢行願力故。深心信解。如對目前。

〔疏〕畧有二因。一以普賢行願力。此卽法力。不依行

願。不能徧故。二以深信解力。此卽自力。謂印持諸

佛。徧於時處。如對目前。〔鈔〕以普賢行願等者。謂以

諸佛而爲所緣。名爲法力。以深信解之智。決定印

可。攝持如上佛境。今現在前。名爲自力。是則於所

見境。不取生滅。一多等定。相之境。則融通佛境。於

能見心。依智不依識。心則見佛之心。故大經云。一

切法無生。一切法無滅。若能如是解。諸佛常現前。

然心佛境智。雖亦融通。爲約因緣親疎。故分法力

自力。法卽緣也。自卽因也。若以緣奪因。卽法力故。

融通普徧。若以因奪緣。則自力故。融通普徧。今以

因緣雙明。故齊舉法力自力也。

○三能禮相。二一總明。

悉以清淨身語意業常修禮敬

〔疏〕謂三業皆徧常無間故。

鈔能禮相中經言悉以清淨等者悉者皆也。

者用也。清淨三業者簡異染業也。謂身無三惡口離四過意三業淨故云清淨等也。由染業故惡道

輪迴今成佛因須憑淨業也。三業敬者表佛有三種通故。一大小乘各別大乘三業敬者表佛有三種通故。一

為顯大師有天眼通以身業敬可見故。二為顯大師有天耳通以語業敬可聞故。三為顯大師有他

心通以意業敬可知故。二小乘瞿波論說師三業敬。一在明而遠須身業敬以可見故。二在暗而近

須語業敬以可聞故。三在暗復遠須意業敬不見不聞故。故三業敬為因果中感得三輪身感神通

輪語感教誠輪意感記心輪

○二別顯

一一佛所皆現不可說不可說佛刹極微塵數身。一

一身。徧禮不可說不可說。佛刹極微塵數佛。

〔疏〕謂一佛之前。頓現多身。一身之禮。等利塵數。是

周徧相。

〔鈔〕一佛之前。頓現多身等者。謂依前二力。故得於境。能見多佛。於自能現多身。乍觀

經文。若以一身。皆禮多佛。則似身少佛多。據其義理。以一身。皆禮多佛。則似身少佛多。據其義理。身佛齊等。經文欲明一多無礙。故於身佛。互舉一多。若令相對。義足。應作四句。一。一身禮多佛。即經後句。二。多身禮一佛。即經前句。三。一身禮一佛。如前十重禮中第三禮。四。多身禮多佛。如前第十帝網禮也。第一第三句。諸宗容有。第二第四句。唯此華嚴所明。言身佛數同者。出現品云。如來成正覺時。以一身。相方便。入善覺智三昧。覺不滯寂。故名善覺。彼一相。故用為方便也。入已。於一成正覺。廣大身。現一切眾生數等身。住於身中。既以一相為方便。則物物皆一相。故一即現多。是故應知。如來所現身。無有量。以無量故。說如來身為無量界。等眾。生界。佛子。菩薩摩訶薩。應如是知。如來身一毛。

孔中。有一切衆生數等諸佛身。何以故。如來成正覺身。究竟無生滅故。如一毛孔。徧法界。一切毛孔。悉亦如是。當知無有少許處。空無佛身。佛子。菩薩摩訶薩。應知自心。念念常有佛成正覺。何以故。諸佛如來。不離此心。成正覺故。如自心。一切衆生心。亦復如是。悉有如來成等正覺。釋曰。引此佛身。與衆生數等者。證前能禮之身。所禮之佛。數齊同也。又旣佛有等衆生數之身。住於生界。衆生心中。又念念有佛成正覺。故知佛前本有多身。身前本有多佛。但以觀境迷心。致令都不見耳。佛以善覺三昧而現之。卽果門入也。今以普賢觀行而見之。卽因門入也。因果之相雖異。所入之境無差。故得因該果海。果徹因源也。

○三總結無盡。一顯無盡。準十地經有十無盡。

界。今此有二。謂虛空。衆生於衆生中。開出業惑。故成其四。衆生無盡。一一衆生有多業惑。彌顯。

無盡。經準十地經有十無盡界。至故成其四者。即經初地說大願已。後結云。佛子。此十大願。以十盡句而得成就。何等為十。所謂眾生界盡。世界盡。虛空界盡。法界盡。涅槃界盡。佛出現界盡。如來智界盡。心所緣界盡。佛智所入境界盡。世間轉法轉智轉界盡。十言十盡者。窮盡彼無盡之願。令無有餘。故云盡也。若眾生界盡。我願乃盡。若世界乃至世間轉法轉智轉界盡。我願乃盡。而眾生界不可盡。乃至世間轉法轉智轉界不可盡。故此大願善根。無有窮盡。釋云。彼是成就大作用之願。故以無窮化生十盡句而結無盡也。文二。一別明虛空。

虛空界盡。我禮乃盡。以虛空界不可盡故。我此禮敬。無有窮盡。

疏 虛空下。反顯。以虛下。順釋。



○二總例餘三

如是乃至衆生界盡。衆生業盡。衆生煩惱盡。我禮乃盡。而衆生界乃至煩惱。無有盡故。我此禮敬。無有窮盡。

○二彰無間

念念相續。無有間斷。身語意業。無有疲厭。

〔疏〕疲謂疲倦。厭謂厭足。下之九門無盡例。此鈔念念

續等者。若不以普賢觀行之力。如何得念念不斷。願智者審思此文。無以生滅之心。取相之禮。而為禮例。下九門亦無以生滅取相之讚歎。供養。乃至迴向等。而為普賢行願也。

○第二稱讚如來三一牒名

復次善男子。言稱讚如來者。

鈔第二稱讚行。先標名。稱謂稱述。讚即讚揚。稱述聖德。讚揚其美。又稱謂稱揚。讚即讚歎。如來者。於十號中。即做同先迹號。金剛經云。如來者。即諸法如義。又云。無所從來。亦無所去。故名如來。涅槃經云。如過去佛所說不變。從六波羅密來。至大涅槃。故名如來。成實論云。乘如實道。來成正覺。故名如來。

○二釋相

所有盡灑界。虛空界。十方三世一切刹土所有極微。一一塵中。皆有一切世間極微塵數佛。一一佛所。皆有菩薩海會圍遶。我當悉以甚深勝解。現前知見。各以出過辯才天女微妙舌根。一一舌根。出無盡音聲。

海。一一音聲。出一切言辭。海稱揚讚歎一切如來諸功德海。窮未來際相續不斷。盡於灑界無不周徧。

疏文分爲三。所有下。一所讚境。我當下。二能讚因。

各以下。三能讚相。鈔所讚境中。二重無盡。所讚境

之佛。微細所在。兼及衆會。無不皆徧。具足於前禮敬之中。文應影畧也。能讚因者。乍看經文。似闕法

力。既言悉以。即亦含在其中也。讚相中云。各以出過等者。辯能讚相。有四義句。初標能讚相。二正辯

稱讚。三讚所經時。四明其周遍。初中辯才。天女者。如最勝王經說。有大功德。能滿衆願。能施辯才。經

云。有受持經者。我當益其智慧。具足莊嚴。言說之辯。若於文字。句義有所忘失。皆令憶持。能善開悟。

復與陀羅尼。總持無礙。言辯才者。總有四種。一法無礙。解於一切法。無不通達。故二義無礙。解於所

詮道理。無壅塞。故三詞無礙。解以智慧力。普應一切衆生。心行差別。四辯說無礙。解此復有七。一應

辯。一利。那間。應得一切衆生。三乘五乘。根性樂廣。樂畧者。總能應得也。二捷。辯謂言說迅疾。而無蹇訥也。三峻。辯如懸河。建瓴。四無疎。辯謂一一句義。稱理合機。無疎謬之失也。五無斷。盡辯。說經長時。無間斷故。六豐。義味。辯凡所演說。豐足義味。七一切。世間最上妙辯。夏無過者。總此七種。得名辯說。無礙。解然。諸經論中。或說辯才有多種者。皆是隨義展轉。開出根本。不過四辯也。此四辯。第九地菩薩。方具得之。已前得者。非勝也。若窮理盡相。朗炤無遺者。佛及普賢。方稱窮極。具足辯也。

○三總結無盡

如是。虛空界盡。衆生界盡。衆生業盡。衆生煩惱盡。我讚乃盡。而虛空界。乃至煩惱。無有盡故。我此讚歎。無有窮盡。念念相續。無有間斷。身語意業。無有疲厭。

〔疏〕文少畧前。若具說者。皆如初段。

鈔第二總結無盡。疏云。文少畧。

前者禮敬總結無盡有二。先顯無盡後彰無間。就前顯中。先別明虛空。後總例餘三。今稱讚中。但有總舉四法。無先別明虛空之異。故云畧也。今此文有二義句。初結無盡。後彰無間。前文中有二義句。如是虛空界下。反顯無盡。而虛空下。順成無盡也。

○第三廣修供養三一牒名

復次善男子。言廣修供養者

○二釋相二一正明供行

所有盡灑界。虛空界。十方三世。一切佛刹極微塵中。一一各有一切世界極微塵數佛。一一佛所。種種菩薩海會圍遶。我以普賢行願力故。起深信解。現前知見。悉以上妙諸供養具。而爲供養。所謂華雲鬘雲天。

音樂雲。天傘蓋雲。天衣服雲。天種種香。塗香。燒香。末香。如是等雲。一一量如須彌山王。然種種燈。酥燈。油燈。諸香油燈。一一燈炷如須彌山。一一燈油如大海水。以如是等諸供養具。常為供養。

〔疏〕文四。所有下。所供境。我以下。能供因。悉以下。列

所供具。以如下。正明供養。鈔第三列所供具於中。有二。先總標。後別顯。今

初。一切諸佛。皆修供養。如釋迦世尊。然燈佛前。得值八百四千萬億那由他諸佛。悉皆供養承事。無空過者。買花。布髮等。又諸菩薩。常以種種塗香。燒香。花鬘。瓔珞。寶瓶。劫樹。飲食。燈明。寶山。寶類。寶幢。幡蓋。鈴珮。珠瓔。宮殿。寶帳。天男。天女。水陸。諸花。一切受用。一一皆成。廣大雲海。為作事業。故供養諸如來。如是供養。一一皆有。廣大果報。謂奉。嬉。常。受。悅。獻。笑。佛。憐。憫。奏。歌。得。法。音。供。舞。得。神。通。奉。瓶。得。

寶瓶。進寶。獲覺分。亦感寶莊嚴。由供莊嚴樹。得莊嚴覺樹。奉。幢。得雨寶。能遍濟貧乏。供。幡。超勝。幡。獻。鈴。衆。歸。敬。奉。嬰。獲。嚴。具。進。鬘。得。寶。冠。上。花。得。佛。容。如。是。一。皆。獲。勝。報。今。此。文。中。畧。標。少。分。廣。如。大。經。繙。索。廻。向。輪。大。雲。輪。請。雨。等。經。廣。明。供。具。皆。云。天。者。表。法。界。中。法。爾。自。然。有。如。是。不。思。議。德。用。也。天。者。自。然。義。皆。言。雲。者。是。隨。緣。義。表。由。行。願。力。故。法。如。是。故。也。大。經。每。欲。說。天。地。徵。祥。皆。標。云。法。如。是。故。佛。神。力。故。法。如。是。者。卽。法。爾。也。同。此。云。天。佛。神。力。者。卽。緣。起。也。同。此。云。雲。行。願。以。義。例。之。此。亦。應。云。法。如。是。故。行。願。力。故。爲。緣。起。者。謂。此。供。具。色。相。顯。然。智。鑒。無。性。從。法。性。空。無。生。法。起。能。現。所。現。能。現。卽。行。願。所。現。卽。供。具。迴。無。所。依。應。用。而。來。來。無。所。從。用。謝。而。去。無。所。至。而。能。含。悲。潤。注。法。雨。益。濟。萬。物。重。重。無。盡。故。有。雲。象。焉。菩。薩。修。行。如。是。供。養。之。時。不。礙。上。供。養。諸。佛。熾。然。下。濟。含。識。先。作。是。念。無。邊。有。情。漂。淪。六。趣。由。自。心。虛。妄。感。種。種。果。報。內。懷。佛。性。而。不。自。知。實。可。愍。傷。云。何。當。救。卽。作。是。念。由。我。獻。華。鬘。得。佛。殊。勝。相。願。回。此。功。德。成。妙。覺。華。臺。舒。光。徧。炤。觸。警。覺。人。天。耽。著。欲。境。報。盡。壽。

終。衆苦纏逼。願彼諸天菩提心。敷榮獲普賢常樂。供鬘得寶冠。由獻音樂得佛法音。獻蓋得覆陰。供衣得佛衣。願以此等福。令一切安樂。是爲菩薩修供養行也。次明香供養義。分爲三。先總標。次別顯。後分量。初中云種種香者。謂沉檀。薝蔔。龍腦。鬱金。及諸華香。須曼那。華香。闍提。華香。末利。華香。及天上所有波利質多羅樹香。拘鞞陀羅樹香。及人天本體之香。和合變易之香。一皆成廣大雲海。而爲供養。次別列中云塗香者。謂和合諸香。用塗身。手。供養之。時。當作是念。我獻塗香。願從此等流。五無漏塗香。磨瑩熱惱者。脫彼諸地獄。一切極炎。蒸獻焚香時。當作是念。由我獻焚香。得佛無礙智。悅懌具端嚴。願回此香雲。氛馥寒冰苦。末香可知。後明分量者。如須彌山。須彌山者。取人間目覩高大無過。又四寶所成。而具十德。表供具一。一具德。相妙用也。十德在須彌品疏文。然亦不繁具引也。下明燈供。文分爲三。總標。別列。分量。二別列者。菩薩修燈供養時。當作是念。由我獻燈明。獲智慧光明。及清淨五眼。願爲般若燈。焰曜阿修羅。永改矯誑心。恚癡好鬪。諍。傍生鞭撻。逼。互相害食。噉。願得慈。



慧心常生人天路。色無色界天。耽著三昧味。願脫此惑纏也。三分量中。言如大海水者。以表供養稱理故。深稱事故。廣以深廣故。喻之如海也。以如是等者。如何辦得如是等。多多供具。如何常供如上。多多佛耶。準藏和上述緣起章。第三供養門中云。菩薩凡所施設。乃至一香一華。一衣一蓋。一供養具。無不稱於眞理。等虛空界。卽以全法之身。遊詣佛刹。稱眞之物。供養於佛。是故菩薩不虛行於所修。常值諸佛。恆不失時。一切供具。常稱理而成。就何以故。法施於佛。稱眞理故。釋曰。準此云。一香一華等。又云。常稱理而成。就者。卽知經中所列。皆以稱理。卽一之多等也。修行者。但安心觀行。物物自多。皆徧佛也。故尋常云。願此香華雲。遍滿十方界。供養一切佛。

○二校量顯勝 二一校量 二一舉所校量

善男子。諸供養中。漚供養最。所謂如說修行供養。利益衆生供養。攝受衆生供養。代衆生苦供養。勤修善

根供養。不捨慧。不捨業。供養。不離菩提心供養。

〔疏〕諸供下。總指。所謂下。別明。別明七行。皆法供養。

鈔舉所校量中。先總。後別。別明所校量中云。如說修行供養者。智度論云。能行說為正。不行何所說。若說不修行。不名為智者。故如說行。方得佛法。不以口言。而可清淨也。又如大法。句經云。雖誦千言。不行何益。不如一聞。勤修得益。利益衆生。供養者。如十地品云。所修善根。皆為救護。一切衆生。又云。諸佛出世。本為利樂。一切衆生。故所以利益名。眞供養。攝受衆生。供養者。彼名以慈悲心。隨順攝取。又云。諸佛出世。為以慈悲。攝衆生。故如淨名居士。以善方便。居毘耶離。資財無量。攝諸貧民。奉戒清淨。攝諸毀禁。以忍調行。攝諸恚怒。以大精進。攝懈怠。以禪定。攝亂意。以智慧。攝愚癡。乃至入諸酒肆。能立其志等。又一切菩薩。皆以普門示現等。皆為攝取。一切衆生。安置佛道。故代衆生。苦供養者。以代衆生。上契佛意。故勤修善根。供養者。彼云。不捨勤修一切善法。若不勤修一切善法。是亦不能利。

樂一切衆生不捨菩薩業供養者。彼名不捨一切菩薩事業。何以故。若捨菩薩所修事業。是亦不能利樂衆生。故不離菩提心供養者。彼名常不捨離大菩提心。離世間品中。有十種退失善根法。所謂捨菩提心。凡所修善。魔所攝持。前章又云。若暫捨菩提心者。是亦不能利樂衆生。何以故。善男子。夫爲菩薩。爲欲利樂諸衆生。故勤求阿耨多羅三藐三菩提。若無衆生。一切菩薩不成正覺。善男子。汝應如是解法。供養則得成就供養。如來。非以世間財寶飲食名爲供養也。

○二正明校量

善男子。如前供養無量功德。比濃供養一念功德。百分不及一。千分不及一。百千俱胝那由他分。迦羅分。算分。數分。喻分。優波尼沙陀分。亦不及一。

〔疏〕準先經文。以前本行。校量法供養。然法供養勝

財供養。諸經論中無不此說。文殊章中已廣解釋。

法供養勝。

鈔準先經文下於中二先釋義後銷經文初中二一敘先譯差錯二申詳審正

初中二一標先譯之意二立理覈破今初也準先譯意以本行觀想供養爲劣以按量法供養爲勝也然法供養下立理覈破文中四一指餘文以明二正斥其失三借淨名對辨四覈此文無端今初諸經論中無不此說者彰其易知也文殊章中者卽善財再遇文殊智炤無二相之文也彼經云復次善男子菩薩有十種法具足圓滿修眞供養一切如來何等爲十一者以法供養二者修行諸行乃至如說能行如行能說九者長時徧修心無疲厭十者常不捨離大菩提心隨要引之不能繁具若諸菩薩具此十法能成就供養如來非以財寶飲食衣服名眞供養何以故如來恭敬尊重法故猶如孝子尊重父母承順顏色心無暫捨若復有人敬其父母其子倍復尊重是人諸佛如來亦復如是若諸衆生供養法者是眞成就供養如來以諸如來尊重法故釋曰法供養最故名爲眞若通

相說於佛。漢經難見。妙理起十法行。皆名法供養。以財供養。資養四大。受持讀誦。解說修行。增於法身。又全其理。供養義也。今疏意云。善財再見文殊。已曾廣釋法勝。故知此中更有深旨。不可以此觀行之供還同。但先文意。將前本行觀想供養為財。前財食供也。但先文意。將前本行觀想供養為財。供養。校量於法。則抑其本行。二正斥其失也。校量本為褒揚行願之妙。如何卻何者。如淨名等。先明法供養。後以財供養。抑之耶。校量顯勝。理則昭然。三借淨名對辨。言等者。等於諸經也。淨名即善德章。多取意引。不具寫文。佛命長者善德問疾。善德白佛言。我不堪任。詣彼問疾。便自說言。我於往昔。自於父舍。設大施會。供養一切沙門。婆羅門。外道貧窮。下賤孤獨。乞人。期滿七日。時維摩詰來入會中云。夫大施會。不當如汝所設。當為法施之會。何用是財施會。我言。居士何謂法施之會。法施會者。無前無後。一時供養一切衆生。是名法施之會。謂以菩提起於慈心。以救衆生起大悲心。以持正法起於喜。

心。以攝智慧行於捨心。以攝慳貪起檀波羅密。以化犯戒起尸波羅密。以無我法起羸提波羅密。以離身心相起毘梨耶波羅密。以菩提相起禪波羅密。以一切智起般若波羅密。乃至下文結云。善男子。是爲法施之會。若菩薩住是法施會者。爲大施主。亦爲一切世間福田。此先明法供養。我時心得清淨。嘆未曾有。稽首禮維摩詰足。卽解瓔珞。價值百千上之。不肖取我言。唯願受之。隨意所與。維摩詰卽受瓔珞。分作二分。持一分施此會中最下乞人。持一分奉彼難勝如來。一切衆會。皆見光明。國土難勝如來。又見瓔珞在彼佛上。變成四柱寶臺。四面嚴飾。不相障礙。時維摩詰現神變已。作是言。若施主等心施。一最下乞人。猶如如來福田之相。無所分別。等於大悲。不求果報。是則名曰具足法施。此上經文。是按量財供養也。釋曰。此中但取維摩詰誠勸之意。卽維摩詰爲施主。乞人難勝如來。是受施之人。瓔珞爲所施物。謂運心寬廣平等普緣。莫分高下之殊。無執物我之別。智鑒皆同於真際。悲救不礙於隨緣。悲智雙流。卽度而無度。施而無施也。若如此者。其功大焉。卽淨名教於善德。何

不如是而作。若能爾者。財施卽法施也。所以經云。若施主等心施一最下乞人。猶如如來福田之相等。於大悲不求果報。是則名爲具足法施。此則淨名先說法供養勝已。後自施瓔珞之財。平等布施。亦成法施。更無異也。疏主意說淨名起行。皆得名法供養。卽知菩薩深妙觀行。固得名爲法供養也。豈可唯此七行不兼前耶。問未審善德長者。有何過失。被淨名呵之耶。答爲有三局。謂自於父舍卽處局。施七種人。卽人局。期滿七日。卽時局。又財施有限。法施無窮。財施世間果報。法是出世果報。以財不及法是。今先明本行。後以法供養。抑前供養以呵之也。

**本說劣行爲何所益。**四覈此文無端也。疏抑前等也。余亦謂此七種法行。但是所標之心。經言如說修行者。卽如前所說觀行。如是而行。名如說修行也。言利益衆生等者。卽修觀行之時。一一與此利益等心相應。是則名爲眞法供養也。若爾。卽不必評論也。然且下偈中。更無校量。但舉本行爲勝供且依疏。

養。明知校量。欲顯本行。供養為勝。五下偈中。下。二。中詳番正。文三。

先審正。次引二經。三以理結。成言迦羅者下。銷釋經文。法華中喜見燒身名。

法供養。淨名教於善德行施。無前無後。一時等施。

名法供養。雙引二經。明法施。差別有二。初引法華經。即第六卷中。藥王菩薩本事品說過

去日月淨明德佛。為一切眾生喜見菩薩。說法華經。喜見樂修苦行。滿萬二千歲已。得現一切色身

三昧歡喜。即念我得三昧。皆是得聞法華經力。即入三昧。從空雨種種花香。以供養佛。起定念言。不

如以身供養。即服諸香。滿千二百歲。以香油塗身。於佛前。以天寶衣。而自纏身。灌諸香油。以神通力

願而自然身。光明徧照八十億恆河沙世界。其中諸佛。同聲讚言。善哉善哉。善男子。是真精進。是名

真法供養。如來若以花香瓔珞。乃至國城妻子。亦所不及。善男子。是名第一之施。於諸施中。最尊最

上。以法供養。諸如來故。所以引云。名法供養也。上但取意引。不具書文也。二引淨名經疏。淨名教於



下。卽前所引法施會者。無前無後。一時供養一切衆生之文。羅什法師云。若起慈心。則十方同緣。施中之等。莫先於此。故曰。無前無後也。僧肇云。夫以方會人。不可一息期。以財資物。不可一時周。是以會通無隅者。彌綸而不漏。法澤冥被者。不易時而普覆。是財施若能稱法。皆

法供養。况於淡觀。非法供養。智者應思。是財下。重釋前意。以

理結成也。言迦羅者。此云豎捩。人身一毛。以爲百分。言

優波尼沙。隨者。此云近少。亦云近對。謂少分相近

比對之分

○二徵釋

何以故。以諸如來尊重。灑故。以如說行。出生諸佛故。若諸菩薩行灑供養。則得成就供養如來。如是修行。

是真供養故

〔疏〕微意云。何以過去財供養。不及今法供養。釋意云。佛尊重法。行法供養。故校量不及。前文殊章已有此意

○三總結無盡

此廣大最勝供養。虛空界盡。眾生界盡。眾生業盡。眾生煩惱盡。我供乃盡。而虛空界。乃至煩惱不可盡。故我此供養亦無有盡。念念相續。無有間斷。身語意業無有疲厭

〔疏〕此最勝供養。卽前觀行。若此最勝不及法者。何

以無盡。鈔後結無盡中。竝同稱讚行也。若此最勝至何以無盡者。承此文便重成前義也。

○第四懺除業障三一牒名

復次善男子。言懺除業障者

〔疏〕懺者梵音。具云懺摩。此云悔過。若別說者。懺名

陳露先罪。悔名改往修來。除惡業障。成淨戒善。是

故文中偏名懺業。實則三障四障。無不皆懺。鈔除惡業

障等者。此即懺意。及懺益也。懺業有三。一伏業懺。伏令不生。二轉業懺。願於今身。常不入惡道也。三滅業懺。罪如暗室。懺悔如燈。不以暗多時。能拒燈也。於中一二事也。第三理也。又懺除罪。與智斷惑。對治品類不同。謂懺與罪。遷相抑伏。要須敵對。相當方能除遣。若上品惡。下品善。心懺非敵對。強者先牽。故還要上品善。方除上惡。中下相對。亦然。若智斷惑。即不爾。謂下智斷上惑。上智斷下惑。由粗

惑障理淺還以鑿淺理之智遣之微惑障理深非  
勝智無以排斷若就防未起之罪則類斷惑謂下  
品善心能防上品重罪若下品惡微細難防須要  
上品善心也三障者佛名經云然其罪相雖復無  
量大而為語不出有三一者煩惱二者是業三者  
果報此三種障能障聖道及以人天勝妙好事是  
故經中目為三障所以諸佛菩薩教作懺悔此三  
滅者則六根十惡乃至八萬四千塵勞皆悉清淨  
又云此三障者更相由藉因煩惱故以起惡業惡  
業因緣故得苦果是故今日先懺煩惱然此煩惱  
諸佛菩薩入理聖人種種呵責銘此煩惱以為怨  
家能斷衆生慧命根故亦銘此煩惱以為劫賊能  
劫衆生諸善法故亦銘此煩惱以為瀑河能漂衆  
生入於生灰大苦海故亦銘此煩惱以為羈鎖能  
繫衆生於生灰獄不得出故所以六道牽連四生  
不絕惡業無窮苦果不息當知皆是煩惱過患次  
懺業障總云所以六道感報不同當知皆是業力  
所作別者先懺身三六次懺口四其餘諸障次第而  
懺言身三者謂殺盜姪言口四者謂妄言兩舌惡  
口綺語及意業三謂貪慾瞋恚邪見此三業十支

能感當報十惡業道。教有明文。若不懺除。輪迴難  
 止。如十地品云。十不善業道。上者地獄。中者畜  
 生。因下者餓鬼。因若依普賢行願力。志誠懺悔。皆  
 得除滅。所以下文云。往昔由無智慧力。所造極惡  
 五無間。誦此普賢大願王。一念速疾皆消滅。誦卽  
 懺也。三惡道報罪苦無量。旣預知者。固合遠避。志  
 求善本。攝心在道。心若不任。緣諸惡法。當自責之。  
 念老病。灰甚爲切近。苦海波。淡都無際。畔汝無始  
 輪溺。苦惱萬端。今偶獲人身。幸逢佛法。不修白業。  
 更造惡因。再落三塗。復受諸苦。如是悔責。攝心不  
 亂。安住於普賢廣大行願。精勤修習。一切罪報。無  
 不得免。故下經云。悉能破壞一切惡趣也。四障者。  
 如隨好品所列業障。煩惱障。報障。見障。業報二障。  
 約因果分異。煩惱及見於煩惱中。約利鈍分異。故  
 成四也。又所知障。亦名見障也。

○二釋相

疏然懺有二種。若犯遮罪。先當依教作法懺之。  
 釋鈔

相文中二。一敘義。二釋文。初中三。一明作法事懺。二明起行理事懺。三廣明逆順用心懺。今初。遮。卽佛之遮制。違制成罪。性則法爾。犯之有罪。十重是性。餘皆遮也。準小乘宗。四重八重不通懺悔。如斫頭破石等。僧殘已下。四篇方許。故此但云遮罪也。相部律疏云。大乘滅重者。一理淡藥妙。二對治行勝。三果勝。小乘理淺行劣。果非是妙。非是妙者。但滅輕也。作法者。小乘懺要請大比丘爲證。對大具五。一偏袒右肩。二右膝著地。三合掌殷重。四稱名說罪。五禮足對小。卽闕無禮足也。若僧殘罪。須請二十僧。令六夜行摩那埵。供給承事。七日滿。僧爲羯磨除罪。還令戒淨。如本所受。尼則四十。若輕罪。卽一日承事。不必集僧也。若犯性罪。復須起行。起若大乘作法。如下所明。若犯性罪。復須起行。起行有二種。一事。二理事。如方等佛名經等。通於萬行。理如淨名。觀罪性空。不在內外等。若犯性罪。下。理雙懺也。於中有三。一雙標事理。二廣釋事理。三雙結事理。二中三。一引佛名等經釋事懺。二引淨

名經釋理懺。二引二經雙明理事。二懺。今初方等  
經。令先嚴道場。香泥塗地。及室內作圓壇。彩畫懸  
五色幡。燒海岸香。然燈敷高座。請二十四尊像。多  
亦無妨。設諸餽饈。盡力用心。著新淨衣服。鞋履若  
無新淨。洗故亦得。出入脫著。令無叅雜。七日長齋。  
每日三時洗浴。初日供養僧。隨意多少。別請一明  
了內外律者。為受二十四戒。及隨羅尼對師說罪。  
要入日。至十五日。當以七日為期。此不可減。若能  
更延。隨意任情。十人已還。不得出此。俗人亦得。須  
辦單縫三幅。帔佛前結界。旋遶一百二十匝。卻坐  
思惟等。廣如經說。佛名多明起行。少說作法。又兼  
起行。然惟事也。佛名多明起行。少說作法。又兼理  
也。經云。夫欲懺悔。必須先敬三寶。所以然者。三寶  
即是眾生良友。福田若能歸敬者。滅無量罪。長無  
量福。能令行者離生處苦。得解脫樂。先當與七種  
心。以為方便。一者慙愧。二者恐怖。三者厭離。四者  
發菩提心。五者怨親平等。六者念報佛恩。七者觀  
罪性空。生如是等七種心。已緣想十方諸佛聖賢  
等者。二引淨名釋理懺也。即優波離章。經云。佛告  
等者。二引淨名釋理懺也。即優波離章。經云。佛告

優波離。汝行詣維摩詰問疾。優波離白佛言。世尊。我不堪任。詣彼問疾。所以者何。憶念昔者。有二比丘犯律。行以爲恥。不敢問佛來問我言。云。願解疑悔。得免斯咎。我卽爲其如法解說。時維摩詰來謂我言。唯優波離。無重增此二比丘罪。當直除滅。勿擾其心。所以者何。彼罪性不在內。不在外。不在中間。如佛所說。心垢故衆生垢。心淨故衆生淨。心亦不在內外中間。如其心然。罪垢亦然。諸法亦然。不出於如。如優波離以心相得解脫時。寧有垢不。我言不也。維摩詰言。一切衆生。心相無垢。亦復如是。唯優波離妄想是垢。無妄想是淨。顛倒是垢。無顛倒是淨。取我是垢。不取我是淨。諸法皆妄見。如夢如欲。如水。中月如鏡。中像以妄想生。其知此者是名奉律。其知此者。是名善解。於是二比丘言。上智哉。是優波離所不能及。持律之上。而不能說云。云。時二比丘疑悔。卽除發阿耨多羅三藐三菩提心。云。關中釋云。持律有二。一法身性淨之律。二陰身身口之律。今優波離持身口之律。見罪生滅。壞法身無相之律。故爲呵也。天台云。菩薩法三。一戒門。依律法。截是。如前作法。二功德門。謂禮佛誦



經般舟方等道場是。如前方等經也。三無生門。令  
悟罪性空是。卽此段也。問。若見罪無性。卽罪滅者。  
亦可見。福無性時。福亦應滅。關鍵見實罪滅中答  
云。不也。罪違無性。見無性時。罪卽滅。福順無性。見  
無性時。福不滅。何者。罪對無性。無性是能治罪。是  
所治。故見無性時。罪卽滅。福對無性。無性是能生  
福。是所生。故見無性時。福廣大也。以能生見前  
故。故金剛經云。無住相布施。福德如虛空等。 普  
賢觀經及隨好品。具二種懺觀經中。明晝夜精勤。  
禮十方佛。卽是事懺。觀心無心。從顛倒想起。若欲  
懺悔者。端坐念實相。斯則理懺。 普賢觀經下。三引  
中二。一引。普賢觀經。二引。隨好品。今初也。此經令  
晝夜六時對十方佛。普賢菩薩徧懺六根。卽事也。  
後令觀心。如疏。卽埋也。今常用者。一切業障海。皆  
從妄想生。若欲懺悔者。端坐念實相。理也。眾罪如  
霜露。慧日能消除。通明一懺之功用也。是故事理雙  
心。勤懺六根罪事也。卽此經後總偈也。皆事理雙

明。隨好品中。等衆生界善身語意業。悔除諸障。卽

是事懺。觀諸業性。非十方來。止住於心。從顛倒生。

無有任處等。卽是理懺。隨好下。引隨好品也。此品經文。歎隨好功德。明佛爲

菩薩時。足下有隨好放光。照億那由他佛刹微塵數諸世界。阿鼻衆生遇之。生兜率天天鼓發聲。令

彼懺。事懺除末理懺拔根。事懺除末等者。三雙結事理也。因迷理而起惑

業。故理懺爲根源。雙除之妙。固不在言。若難具者。必須先訪善友。令解理懺何者。根拔枝存。容漸枯

朽。若枝盡而根在。千回斫而還生。智者詳焉。若具足懺。應須善達逆順

十心。若具足懺下。三廣明逆順用心懺。卽天台止觀第四所說也。於中三一總標。二謂先下。別

釋。三對別。謂先懺十種順生。灰心以爲所治。一妄

計人我起於身見。二內具煩惱。外遇惡緣。我心增

盛。三內外既具。滅善心事。不喜他善。四縱恣三業。無惡不爲。五事雖不廣。惡心徧布。六惡心相續。晝夜不斷。七覆諱過失。不欲人知。八虜扈抵突。不畏惡道。九無慙無愧。不懼凡聖。十撥無因果。作一闡提。從無始來。若自及他。無不皆爾。二一中二。一明所治。順生。成十心。

二明能治逆生。成十心。今初也。謂諸有情。與此十種。順生。成流。相應。昏倒。造惡。如廁。蟲樂廁。不覺不知。積集。重累。不可稱計。四重五逆。極惡。闡提。生。成浩然。而無際畔。但是凡流。總皆如是。故疏云。若自及他。無不皆爾。次起十種逆生。成心。從後翻破。一。明信因果。二。自愧克責。三。怖畏惡道。四。不覆瑕玼。五。斷相續心。六。發菩提心。七。修功補過。八。守護正法。九。念

十方佛十觀罪性空。二次起下。顯能治逆生。此  
罪流用十種心。翻除惡法。一明信因果者。謂先須  
分明信有因果。決定孱然業種雖久。久不敗亡。所  
以經云。假使滿百劫所作業不亡。因緣會遇時。果  
報還自受。終無自作。他人受果。精識善惡。不生疑  
惑。是為深信。翻破第十作。一闡提心也。二自愧克  
責者。若欲放逸。當自責之。鄙惡罪人。無差無恥。習  
畜生法。棄捨白淨。天見我屏處造罪。是故慚天人  
見我顯處造罪。是故愧人。以自翻破第九無慚。無  
愧心。三怖畏惡道者。行者當自思惟。人命無常。過  
於轉燭。一息不還。千載長往。幽途綿邈。無有資糧。  
苦海波淡。船筏安寄。聖賢呵責。無所恃怙。年事稍  
去。風刀不賒。豈可安然。坐待酸痛。又佛名經云。若  
不懺悔者。大命將盡。地獄惡相。皆現在前。當爾之  
時。悔懼交至。不預修善。悔何及乎。當爾之時。欲求  
一禮一懺。豈可更得。衆等莫自恃盛年財寶勢力。  
放逸自恣。灰苦一至。不令人知。盛年壯色。無得免  
者。怖心起時。如履湯火。六塵五欲。不暇貪染。如佛  
滅度。一百年後。波吒梨城。有王名阿輸柯。亦名阿

育。此云無憂。此王位當鐵輪。深信佛法。毀諸外道。集佛舍利。徧閻浮提中。起八萬四千寶塔。設廣大。會供養。呵羅漢三十萬餘。有學聖人。數復倍此。精進。凡夫無量無數。其諸所作。不可稱計。其王有弟。名毘多輪。此云除憂。深著邪見。見諸外道。梵志於山林中修諸苦行。五熱炙身等。便生仰敬。復問。梵志。汝起煩惱。不梵志。答云。我見諸染境時。內發欲火。燒我身心。王弟聞已。心生疑惑。如此苦行。尚起情欲。佛之弟子。常修樂行。何能於欲。生厭離耶。又言。釋迦弟子。誑阿育王。令作功德。後王聞已。為愍弟故。遂設方便。語大臣言。我弟於外道生信。當以方便。令其得入佛法中。大臣答言。作何方便。王言。我今洗浴。入彼浴室。應脫天冠。及衣服等。汝當以我服飾。莊嚴我弟。令登王座。臣依王教。王入浴室。已。其大臣等。語王弟言。若阿育王無後。汝當作王。今者試戴天冠。被天衣服。及登王座。語已。即便與著。令登王座。大臣令登王座。已。密往白王。王出見弟。戴冠登座。王語弟言。我今未滅。汝已作王。即命行殺之人。身著青衣。披髮執鈴。至王。王語殺者云。我捨此弟。汝可殺之。是時便有多人。執法器仗而

圍繞之。大臣白王言。是王親弟。願王息怒捨過。王  
言緣是我弟。於七日中暫與國事。令其作王。待七  
日滿。卽當殺之。卽以種種伎樂及諸美女。供給侍  
衛。一切臣民皆往問訊。行殺之人。輒刀門立。日日  
白王。今日已過。六日當成。如是乃至六日已過  
餘一日。在至第七日。竟大臣諸人將王弟。共往阿  
育王所。王問弟言。汝七日爲王。百種伎樂皆悉。汝  
意無數。衆人日日問訊。祝願於汝。汝好見聞否。弟  
答云。我爲畏成。心怖懼。故都不見聞。是時阿育王  
語其弟言。汝於七日。思畏成。苦雖得上妙五欲。而  
不生愛。出家之人。於十二入。思惟無量生。成無常  
云。何而得起煩惱耶。又復思惟諸地獄苦。及諸畜  
生。更相殘害。餓鬼饑渴。衆苦所逼。思惟人中。四方  
馳走。初無安樂。思惟天上。壞敗之苦。如是五道身  
心之苦。無有樂處。觀此五陰。無常苦空。無我。不實  
譬。如空村。無有居民。如是五陰。皆空。無我。以無常  
火燒。諸世間佛諸弟子。常作此觀。云何而得起煩  
惱耶。復說偈言。汝於七日中。思惟生。成。畏。而無有  
歡樂。不起貪愛。心佛諸弟子等。日日觀生。成。云何  
觀歡樂。而起煩惱。心於飲食衣服。及以臥具等。思

惟解脫法。而不起著心。觀身如怨家。三有如火宅。思惟何方便。而得解脫之。淡樂解脫法。不貪於五。欲其心如蓮華。處水而不著。王以如是善巧方便。教化其弟。弟因回心。合掌向王言。我於今者。歸敬如來。及以法僧。而說偈言。我今歸依佛。佛面如蓮華。天人所歸依。無漏法及僧。時王見弟回心。歸向三寶。心大歡喜。種種法及僧。時王見弟回心。歸向養三寶。聽聞正法。後得悟已。辭王出家。得羅漢果。謂此王弟。於七日中。雖有五欲。及諸翫好之事。為怖灰故。都不味著。唯專憂灰。是故行者功德資糧。未辦莫著五欲。怖懼當來惡道。如彼怖王。如是方便調心。進求善本。以此翻破第八不畏惡道也。四不覆瑕。疵者。根露枝枯。源乾流竭。若覆藏罪。是不良人。迦葉頭陀。令大衆中發露。方等令向一人發露。其餘行法。但以實心。向佛像前改革。如隱處有癡。若覆諱不治。則致於灰。以此翻破第七覆藏罪。心五斷相續心者。若戲已更作。如王法初犯得恕。更作則重。初入道場。罪則易滅。更作難除。已能吐了。云何再啖。以此翻破第六惡心相續。晝夜不斷。六發菩提心者。謂菩提是所求果德。卽無上菩提。

心。是現在能求之心。以發。是求菩提之心。故名發菩提心也。或可菩提名覺。卽覺察覺悟也。謂了諸煩惱過患不起放逸。達本心源。慧光內燭也。以起是心。故名發菩提心。昔由不覺惡心徧布於一切境起貪瞋癡。今起覺心。炤之。則知一切境本空。卽不起過失也。又瑜伽論云。菩提心者。大悲爲體。成佛正因。智慧根本。能破無明業報等。往昔爲無智慧故。徧惱有情。今有慧兼濟。徧虛空界。利益一切。發此心故。翻破前來第五一切處起惡心也。七修功補過者。昔因三業造諸過罪。不計晝夜。今以善身口意策勵不休。匪移山岳。豈填溝壑。以此翻破第四縱恣三業心也。八守護正法者。然人能弘道。法假人傳。人在法存。人亡法滅。故須得人護也。此有其二。一內護。二外護。內謂三乘聖賢。出家內衆。皆能弘闡。皆能護持。外謂國王大臣等。然內衆但能弘教護行。無力匡持。外有王威。方能護法。如仁王經說。佛告波斯匿王。我以是經。不付比丘。比丘尼優婆塞。優婆夷。所以者何。無王威力。不能建立。是故汝等。常當受持。此令守正法者。爲昔自滅善。亦滅他善。不自隨喜。亦不喜他。令人守護。諸善方



便增廣。令不斷絕勝鬘經云。守護正法。攝受正法。最爲第一。以此翻破第二無隨喜心也。九念十方佛者。昔因親狎惡友。信受其言。令念十方佛。念無等慈。作不請友。念無等智。信大導師。欲違生滅之惡緣。須順菩提之正路。故須念佛。然念佛一門。修行之要。津攝心之關鍵。因此畧明念佛之義。言念者。明記不忘爲義。體卽是慧。今名念者。卽隣近彰名也。然念佛不同。總有四種。一稱名念。二觀像念。三觀想念。四實相念。且稱名念者。如文殊般若經云。復有一行三昧。若善男子。善女人。修是三昧者。速得佛菩提。欲入三昧。應處空閑。捨諸亂意。不取相貌。繫心一佛。專稱名字。隨佛方所。端坐正向。能於一佛念。念相續。卽是念中。能見去來現在諸佛。念一佛功德。無量無邊。與一切佛功德無二如是。盡知恆沙諸佛法界。無差別相。阿難。總持多聞辯才。百千等分。不及其一。等二觀像念。謂觀如來塑畫等像。如大寶積經說。佛本因中。爲大精進菩薩。因見比丘畫佛形像。發心出家。持畫觀像入山觀。察觀察此畫像。不異如來成就五通得普光三昧。見十方佛等。三觀想念。於中有二。一明一相。於三

十二相中。隨觀一相皆滅重罪。如觀佛三昧。海經說佛為父王說白毫觀。但觀着間白毫之相。右旋婉轉。猶如秋月。十稜成就。內外通明。如白瑠璃筒。亦如暗夜中明星。觀成不成。皆滅九十億那由他。恆河沙微塵數劫生。成重罪。常蒙攝受也。二明全身者。如坐禪三昧。經云。若求佛道入禪。先當繫心念佛。生身莫念地水火風山樹草木。天地萬類及諸餘法。但念佛身。處在虛空。如大海清時。有金山王。相好圓滿。出無量清淨光明。於此虛空青色之中。常念佛身。便得十方三世諸佛。悉在目前。若心餘緣。還攝令住。除無量劫罪。四實相念。亦名法身。謂觀自身。及一切法。真實自性。文殊般若云。不生不滅。不來不去。非名非相。是名為佛。如自觀身。實相。觀佛亦然等。又云。繫緣法界一相。是名一行三昧。又智度論云。不以色身及相好念。以佛身自無所有。故以無憶。故是為念佛。又占察經云。思惟諸法平等法身。一切善根中。其業最勝。又大經云。一切諸佛身。唯是一法身。念一佛時。即一切佛。此之四等。各隨根器。從淺至深。最後為妙。以是濟要。是故畧明於善友中。最勝無過於佛。由是翻前順生。

灰中第二外遇惡緣也。于觀罪性空者。如前理懺也。若不解此十心。全不識是非。云何懺悔。設入道場。徒為勞苦。涅槃經云。若言勤修苦行。是大涅槃。因緣者。無有是處。即斯意也。若具此者。無罪不滅。隨好品中。具有能治。今文之中。含有不具。隨好下。對他品料簡也。言含有不具者。缺觀罪性。空發菩提心二也。所以闕此者。以菩提心是十種行願之本。此修行願菩薩。必先已發菩提心。故性空是緣起之體。行願必是無性之緣起。故此經文。不更別標也。文二餘八有者。如下文配。

○一舉所懺

菩薩自念。我於過去無始劫中。由貪瞋癡。發身口意。作諸惡業。無量無邊。若此惡業有體相者。盡虛空界。不能容受。

疏貪瞋癡是惡業。因身口意是造業具。三業十支

皆由三毒。諸惡業。即是業體。有二三種。鈔發身口

具者。唯識論云。大乘二業。皆思為體。動身之思。發語之思。及思當體。皆言業也。故知身等。非即是業。

動身等思。方名三業。故梵行品云。身身業。語語業。意意業。行相各別。身即渾濁。鼻惡。成屎蟲聚等也。

身業即行。任坐臥。屈伸俯仰等也。語即風息吐納。高低清濁。語業即起居問訊。讚歎毀說等。意即覺

觀。思惟等。意業即憂喜等。所以身等。但是造業之具。如工巧之業。而錐刀等器。不是業也。有二三種

者。有兩般三種也。謂善惡不動。是一般也。現報生報後報。是二般也。一善。惡不動。今

唯取惡。二現生後。今通此三。善惡不動者。此三即入六地中。罪等三行

也。彼經先說。凡夫執我。常求有無。次明三行之過。云。不正思惟。起於妄計。後辨三行體相。云。罪行。過

行。不動行。彼疏釋云。謂由迷異熟果。愚達正信。解起感。三塗惡業。及人天別報苦業。皆名罪行。由迷

眞實義愚。不知三界皆苦。妄謂爲樂。起欲界業。名  
福行。四禪淨業。名不動行。故論云。眞樂本有。失而  
不知也。彼經罪福之行。卽此善惡之業。疏今唯取  
惡者謂善。不動。但以迷心取相求有者。故成過患。  
若離其病。不除其法。故此不懺。若惡業背理。一向  
須改。故此懺令滅也。所以超公關鍵中。明性起緣  
起不同。緣起法界。通於善惡。染淨。性起唯淨。釋性  
起文云。性者眞如本性。起者起於諸法。諸法者謂  
善法也。善法順眞。所以約性而顯。惡法違理。是故  
下明也。問。上言性起。一切皆具。如何但約善說。答。  
以違順不同。親疎不等。故使言教有殊。何者。以善  
調柔。還同於性。以性有力。令所生之果。似因非異。  
善旣親從。性生是故名爲。性起惡法。粗獷。旣無明  
所熏。以屬疎故。故名緣起。以緣有力。能令果法。似  
緣不別。其猶穀芽。假土生已。土肥芽肥。土瘦芽瘦。  
相狀容儀。隨緣自類。終無改轉。因緣同時。位別親  
疎。懸隔各殊。是故果屬。因緣故有無不似也。由此  
諸義。故此經文。但悔惡業。二現生後有者。第二三  
種業也。佛名經云。六道形類不同。皆是業力所作。  
凡夫之人。多於此中。好起疑惑。何以故。現見世間。

行善之者。觸向輒軻。行惡之人。是事諧偶。致使愚人。謂言善惡無分。我經中說言。有三種報。一者現報。二者生報。三者後報。且現報者。現世作善惡。即現身受苦樂報。生報者。今生作善惡。次一生受報。後報者。次二三生。乃至未來多生。受報。疏今通此三者。三報皆懺也。三三合九種。從三煩惱起。即其義也。三三三至煩惱起者。三三者身也。言合九者。前後不相捨離也。三三三具善等三業。現等三報。從三起者。本由貪等三毒起也。若此下。顯其廣多也。以無形故。不見相貌。有則溢空。此即通說順流。

**十心。**無形至溢空者。佛名經云。獨頭無明。為煩惱。一劫中受種種身。則身不可數。於一。身造種種業。則業不可數。故此云。若有體相者。盡虛空界。不可容受。據理而言。若懺此業。清淨者。所獲功德。亦盡虛空界。不能容受。以敵對相翻。一。即真功德。故。故婆沙論。說懺悔功德云。此一念善。有形色者。大千世界。不能容受。彼論但指一化之境。且以大

千爲量。量雖通局。意不殊此也。故以一念懺悔功德。便與無量劫所造之業。分量齊等。如一暗室中。須與燈光之明。所徧分量。便與此室千年之暗。分量齊等。

○二辨懺相

我今悉以清淨三業。徧於灑界極微塵刹一切諸佛菩薩衆前。誠心懺悔。後不復造。恒住淨戒一切功德。

〔疏〕清淨三業。明懺業具也。昔因三業。無惡不爲。今以三業。一時齊懺。謂虔恭胡跪。口陳詞句。徧於下。明所對境。徧者。畧有二意。一昔所造罪。心事徧布。故今懺悔。亦須周徧。二稱法性故。何罪不除。下正辨所對。極微塵下。卽念十方佛。翻昔惡友。佛者。指

前第九誠心。則簡不至心。緩縱情慮。罪不滅故。縱緩  
情慮。罪不滅者。佛名經云。生如是七種心。已緣想  
十方諸佛賢聖。拏合掌。披陳至到。慚愧改革。舒  
歷心肝。洗蕩腸胃。如此懺者。亦何罪而不滅。亦何  
障而不除。若復不爾。悠悠緩縱。徒自勞形。事將何  
益。懺悔。卽含自愧克責。怖畏惡道。不覆瑕玼。不造  
卽斷相續。心住戒。卽修功補過。匪移山嶽。豈填溝  
壑。卽斷者。指前第五心。卽修功者。指前第七心。總此懺者。以明識因果。  
善惡影響故。亦卽守護正法。明識因果者。指前第  
一。心。疏亦卽守護正  
法者。指前第八心。智度論云。言正法滅者。謂修行  
滅。今意云。若不懺悔。卽修行滅。是不護正法。今懺  
悔業清淨。則修行不  
滅。爲守護正法也。

○三總結無盡



如是虛空界盡。衆生界盡。衆生業盡。衆生煩惱盡。我  
懺乃盡。而虛空界。乃至衆生煩惱。不可盡故。我此懺  
悔。無有窮盡。念念相續。無有間斷。身語意業。無有疲  
厭。

○第五隨喜功德三一牒名

復次善男子。言隨喜功德者。

〔疏〕由昔不喜他善。故今隨喜。爲慶悅彼除嫉妬障。

起平等善。〔鈔〕第五隨喜行者。隨所見善。而歡喜也。十在婆沙云。所有布施福。持戒修禪慧。

從身口意生去。來今所有。習學三乘人。其足一乘者。無量人。天福皆隨。而歡喜。別果報中。得大眷屬。翻嫉妬。然餘處隨喜在勸請後。謂先滌身器。次欣障故也。

法雨後攝他同已。迴向三處。故爲此次。今明隨喜是懺中別義事勢相連。故先明之。平等廣大。方堪聞法。然餘至聞法者對十任婆沙料簡次第不同也。文中二初舉彼次之意。初兩句標次。謂先滌下四句列一懺悔二勸請三隨喜四迴向。故爲此次者。結成也。後今明下。明此次之意。言懺中別義者。懺除嫉妬故。廣大者。自他無二故。

○二釋相

所有盡灑界。虛空界。十方三世一切佛刹極微塵數。諸佛如來。從初發心爲一切智。勤修福聚。不惜身命。經不可說不可說佛刹極微塵數劫。一一劫中。捨不可說不可說佛刹極微塵數頭目手足。如是一切難

行苦行。圓滿種種波羅蜜門。證入種種菩薩智地。成就諸佛無上菩提。及般涅槃。分布舍利。所有善根。我皆隨喜。及彼十方一切世界六趣四生一切種類。所有功德。乃至一塵。我皆隨喜。十方三世一切聲聞及辟支佛。有學無學。所有功德。我皆隨喜。一切菩薩所修無量難行苦行。志求無上正等菩提。廣大功德。我皆隨喜。

**疏**文四。所有下一喜如來善。

鈔從因至果為一切智者為智修福方是

佛因捨不可至手足者舉內財之難尚捨則身外財可知也。如心地觀經說佛於往昔行難行苦行為凡夫時作雪山童子為求半偈棄捨全身。薩埵王子捨身救虎為六牙象王自投獵者作圓滿福

智王施眼睛爲金色鹿王捨身求道作慈力王施  
五夜又作莊嚴王施妻無吝爲最上身菩薩施頭  
目髓腦如是一切難行苦行等廣如菩薩本行經  
等說也又法華經云觀三千大千世界乃至無有  
如芥子許非菩薩捨身命處及彼十方下二喜諸趣善十方三  
世下三喜二乘善一切菩薩下四喜菩薩善謂隨  
喜四類以攝諸善佛爲最勝所以先明餘之三類  
從劣向勝後校量勝德文中三一會四類次第勝  
劣合宜佛爲下是華嚴宗中詮法次第  
例多如此初發心時便成正覺直造最勝然卻從  
十住乃至十地等覺即從劣漸勝也意顯頓悟漸  
修之相也二顯自益深引他爲證有二初引大品經中隨喜品明大  
千海水一毛破爲百分滴取海水可知其數隨喜  
之福不可知數故結無盡等虛空界法華隨喜展

轉至於第五十人。尚難校量。何況最初。云復次。經云。復次。橋  
尸迦。三千大千國土。滿中海水。取一髮破。為百分。  
以一。分髮。滴取海水。可知滴數。是隨喜福。終不可。  
數知。故結無盡下。指自當經益深也。二引法華證  
卽第六卷中。隨喜功德品第十八也。經云。爾時。彌  
勒菩薩。白佛言。世尊。若有聞是法華隨喜者。得幾。  
所福。佛荅云。從會中聞隨喜。至於餘處轉說。至第。  
五十人。其第五十人。聞已。隨喜功德。今當說之。若。  
四百萬億阿僧祇世界。六趣四生。充滿其中。有人。  
求福。一。衆生。與閻浮提。金銀七寶。乃至象馬車。  
乘。奴婢。人民。宮殿樓閣等。如是布施。經八十年。後。  
以佛法而訓導之。總令得四沙門果。是大施主。所。  
得功德。寧為多不。彌勒云。若是施主。但施衆生。  
切樂具。功德無量。何況能令得阿羅漢果。佛荅云。  
如上功德。不如是第五十人。聞法華經。一偈。隨喜。  
功德。百分不及一。乃至算數譬喻。所不能知。何況。  
最初。於會中聞。而隨喜者。其福復勝。無量無邊。阿。  
僧祇不可得比。彼既如此。有此隨喜。如來權實功。  
廣大益。今此隨喜。亦復如是。

德故佛最勝。三彰自所喜。重明佛勝。此隨喜如來  
權實者。諸佛功德不出權實。二品法華隨喜法也。言  
論之。佛身及佛所修因行。皆有權實。如佛三身中。  
法報二身是實。變化身是權。又佛所證菩提涅槃。  
亦通權實。法報二身菩提是實。化身菩提是權。又  
涅槃有三種。性淨圓淨涅槃是實。方便淨涅槃權。  
假此唯就佛所證果論。若約佛從凡至聖所起功  
用。自利利他門中。亦有權實。且如凡夫初悟時。始  
自十信初心。終妙覺位。於其中間。經不可說不可  
說。佛利極微塵數劫。施為種種難行苦行。自利利  
他等。則權實俱有。何以謂六度十度有為萬行。一  
一真修。故則不施方便。權巧誘之。彼難回故。若約  
權假也。何以不施方便。權巧誘之。彼難回故。若約  
示生王宮。從初發心。踰城學道。種種苦行。乃至樹  
下成大菩提。說法利生等。則是權也。若言分布舍  
利者。唯是權假也。此意說從因至果。始終相收。該  
羅本末。都來總指也。故經云。從初發心等。斯乃佛  
之功德。若淡若淺。若實若權。凡所施為。皆難可測。  
唯佛與佛。餘無知也。又况華嚴經所說真應相。即

分圓全收體用無礙者  
也。故宜佛爲最勝也。

○三總結無盡

如是。虛空界盡。衆生界盡。衆生業盡。衆生煩惱盡。我  
此。隨喜無有窮盡。念念相續。無有間斷。身語意業無  
有疲厭。

○第六請轉法輪三一牒名

復次善男子。言請轉法輪者

〔疏〕卽是勸請除謗法障。起慈善根。聲聞自度。但懺  
而已。菩薩愍衆。故須勸請。請佛普雨。必自他露洽

○二釋相

所有盡灑界。虛空界。十方三世。一切佛刹極微塵中。  
 一一各有不可說不可說佛刹極微塵數。廣大佛刹。  
 一一刹中。念念有不可說不可說佛刹極微塵數。一  
 切諸佛成等正覺。一切菩薩海會圍遶。而我悉以身  
 口意業種種方便。殷勤勸請轉妙灑輪。

**疏**所有下。舉所請境。鈔所請境中。經文分一。先標

兩重無盡言。一一各有不可說等者。此中具有二  
 種無礙。一多無礙。二小大無礙。所以然者。謂以  
 性融相故。爾二人中。有果人。因人。諸佛即果。菩薩  
 即因。言念念有不可說等者。意在境寬。能請無邊  
 故。其所現身。應如第一門。而我下。正明請法。約圓  
 中說。一念尚然。况經多劫。而我下。正明請法。約圓  
 宗。一切無非法輪。念念常轉。今要請者。蓋以情迷  
 起念。滯於色聲。既五音令人耳聾。即不聞圓音。徧



演故須請也。有隨緣請。有稱性請。隨緣請。隨緣可知。稱性請者。須返悟一切聲。如空谷響。緣起無性。非斷非常。一全真。無非法界。既聞無所聞。即終日聞法。心觀如此。是請轉法輪。故出現品法輪章中云。知聲如響。而請轉法輪。了於諸法。真實性故。於一音中。出一切音。而轉法輪。畢竟無主故。又云。欲知如來所轉法輪。應知如是法輪。所出生處。佛子。如來隨一切衆生心行。欲樂無量。出若干音聲。而轉法輪。釋曰。既隨衆生之心。即知願請轉法輪。須令自心稱法。心若不稱。亦不聞。故故藏和尚緣起章第六。請轉法輪門中云。由一切諸佛。唯智。唯德。菩薩。即窮法界之智。而請佛說法。是故一切諸佛。無不雨大法雨。然菩薩唯願唯行。諸佛即以此甚深願力。而加所請。是故菩薩。無不獲於大益。當知菩薩常請諸佛。常說。未曾失時也。

○三總結無盡

如是虛空界盡。衆生界盡。衆生業盡。衆生煩惱盡。我

常勸請一切諸佛轉正漚輪。無有窮盡。念念相續。無有間斷。身語意業。無有疲厭。

○第七請佛住世三一牒名

復次善男子。言請佛住世者。

**疏**卽是勸請中別義。鈔偈云。十方一切佛。若欲捨

任釋曰。衆生心淨。見佛常住。衆生心垢。見佛捨命。佛無生滅。隨機見殊。故知心淨觀佛。佛則常住。爲真勸也。

○二釋相

所有盡灑界。虛空界。十方三世一切佛刹。極微塵數。諸佛如來。將欲示現。般涅槃者。及諸菩薩。聲聞緣覺。

有學無學。乃至一切諸善知識。我悉勸請。莫入涅槃。經於一切佛刹。極微塵數劫。為欲利樂一切眾生。

〔疏〕標從勝說。但請如來。釋從通意。三乘皆請。別標

如來中。先釋涅槃。後明示般。言涅槃者。具云般涅槃。槃。古譯為入滅。或云滅度。即滅障度苦也。準涅槃疏中。滅義有四。一事滅。二德滅。三應滅。四理滅。言事滅者。事謂生。成。因果。事相。滅生。成。故。名為事滅。言德滅者。此有其二。一若以緣修名德。至果捨修。名為德滅。滅彼緣修故。二真德為德。即無性可取。無相可捨。以佛真德。離性相故。言應滅者。隨化世間。示滅有因。現亡身智。以應盡還源名。為應滅。言理滅者。此亦有二。一是相空。妄相諸法。空無有實。妄心所取。體相俱無。二是真空。如來藏中。恆沙佛法。離相離性。名之為空。此體有相。無真。即不空。空即不有。不空不有。即是涅槃。總名理滅。滅義雖眾。要唯此四。四滅之中。理滅為本。由見相空。成前事滅。由見真空。成前德滅。依體起用。便有應滅。由

此理滅具二種空。故以理滅爲三滅本。具四滅。故名爲涅槃。廣如彼說。然此涅槃有其多義。或云一種。謂大般涅槃。或有其二。謂性淨。方便淨。或有三種。謂性淨。圓淨。方便淨。又有三種。一性淨。二方便淨。三應化淨。或說有四。卽前四滅。此上諸義。總曰涅槃。後明示般於中。先解般字。後明示現。今初言般者。名入涅槃。經疏解入義有三。一就真以論。息妄歸真。從因趣果。故名爲入。此解通因果。二據化辨入。示滅有因。現亡身智。名之爲入。三就真應相對以辨入。息化歸真。故名爲入。此解在果也。言示現等者。問諸佛何故示現。入於涅槃。耶。答。如大經離世間品云。作佛事已。觀十種義。示般涅槃。所謂示一切行實無常。故示一切有非安隱。故示大涅槃。是安隱處。無怖畏。故以諸人天樂著色身。爲現色。是無常法。令其願住淨身。故示無常力。不可轉。故示一切有爲不隨。心住不自在。故示一切三有。皆如幻化。不堅牢。故示涅槃性。究竟堅牢。不可壞。故示一切法無起。而有聚集散壞相。故佛子。諸佛世尊。作佛事已。所願滿已。轉法輪已。應化度者。皆化度已。有諸菩薩。應受尊號。咸記別已。法應如是。

入於不變大般涅槃佛本常住而云請住世者衆  
生心垢業惡不見如來設有開解發曾得見佛  
而情識昧習氣忽起還不理前故今勤請者但依  
智離識常作佛觀心清智明即常見佛不曾涅槃  
若瞥爾起心塵勞相續觀智  
間斷即不見佛名佛滅度也

○三總結無盡

如是虛空界盡。眾生界盡。眾生業盡。眾生煩惱盡。我  
此勸請無有窮盡。念念相續無有間斷。身語意業無  
有疲厭。

○第八常隨佛學。此下三段皆是迴向前二即迴  
向中別義。故下偈中第七行竟便標迴向欲收  
此二屬迴向故。若別說者。即是所修二利行體。

亦是別說所迴向善根。鈔二利。行體者。常隨佛也。別說所迴善根者。即第十門將此二利功德及一切福。迴向三處也。文二。一牒名。

### 復次善男子。言常隨佛學者。

〔疏〕義同等一切佛迴向。亦自利行。鈔常隨佛學者。謂托佛從因至果所歷之。行所為之事。以為所緣之境。引得心智。隨而學之。謂以觀智融已身心。令常在如此之境。勿執身心定相。致令在慳貪瞋恚六塵五欲顛倒境也。若令佛所歷苦行境。常為自己心觀者。則遇諸苦事。乃稱本願而無怨惱。遇諸樂事。自無耽染。以非常時心觀之所願。故智者善思。勉旃而學。疏義同等一切佛迴向者。十迴向中第三迴向也。此亦迴向中別義。故指同也。第七等隨順一切眾生迴向。即當下第九恆順眾生也。

○二釋相一一學本師一一明所學

如此娑婆世界毗盧遮那如來。從初發心精進不退。以不可說不可說身命而爲布施。剝皮爲紙。析骨爲筆。刺血爲墨。書寫經典。積如須彌。爲重灑。故不惜身命。何況王位城邑聚落宮殿園林一切所有。及餘種種難行苦行。乃至樹下成大菩提。示種種神通起種種變化。現種種佛身。處種種衆會。或處一切諸大菩薩衆會道場。或處聲聞及辟支佛衆會道場。或處轉輪聖王小王眷屬衆會道場。或處刹利及婆羅門長者居士衆會道場。乃至或處天龍八部人非人等衆

會道場處於如是種種衆會。以圓滿音如大雷震。隨其樂欲成熟衆生。乃至示現入於涅槃。

**疏**如此下。明因行。乃至樹下。辨果用。鈔因行中。娑婆世界界虛

等者。雖華藏世界。正是十身之依報。而娑婆界不相離。即最中香水海二十重中第十三重。是此娑婆也。意明即此穢土衆生。可以造觀修習。又佛本不離穢土修證。故界舉娑婆。而所歸之佛。便須稱實圓見。故佛舉光明徧照。即依正中真應影畧耳。言從初發心等者。發心者。所謂發大菩提心也。瓔珞本業經云。具縛凡夫。未識三寶善惡因果。未於佛法起一念信。乃至從此任佛菩提正教法中。發菩提心。起一念信。爾時便名信相。菩薩此發心相。有其十種。一親近善友。二供養諸佛。三修習善根。四志求勝法。五心常柔和。六遭苦能忍。七慈悲深厚。八淡心平等。九愛樂大乘。十求佛智慧。以此十事。皆是發心求大菩提之相也。又信心以心淨爲義。然有四種。一信根本。謂樂念真如法故。二者信



佛。有無量功德。常念親近。供養恭敬。發起善根。願求一切智故。三者信法。有大利益。常念修行諸波羅密行故。四者信僧。能正修行。自利利他。常樂親近諸菩薩衆。學如實行。故剝皮爲紙等者。有二。一隨相釋。二觀智釋。且初。或諸緣闕。必要記持聖言。故不惜身命。剝皮析骨。或雖竹帛紙墨不少。要須重法苦身。以展誠敬之志。所以如此也。如集一切福德。三昧經云。昔過去久遠阿僧祇劫。有一仙人。名曰最勝。住山林中。見諸神仙。常行慈心。復作是念。非但慈心能濟衆生。唯集多聞。滅衆生煩惱。邪見能生正見。念已。便詣城邑聚落。處處推求。說法之師。時有天魔來語仙人言。我今有佛所說一偈。汝今若能剝皮爲紙。刺血爲墨。析骨爲筆。書寫此偈。當爲汝說。最勝仙人聞已。念言。我於無量百千劫中。常以無事爲他割截。受苦無量。都無利益。我今當捨不堅之身。易得妙法。歡喜踊躍。卽以利刀剝皮爲紙。刺血爲墨。析骨爲筆。合掌向天。請說佛偈。時魔見已。愁憂憔悴。卽便隱去。仙人入見已。作如是言。我今爲法。不惜身命。剝皮爲紙。刺血爲墨。析骨爲筆。爲衆生故。志誠不虛。餘方世界。有大慈悲。

能說法者。當現我前。作是語時。東方去此三十二  
利有佛國土。名普無垢。國中有佛。號淨名王。忽住  
其前。放大光明。焰最勝。身苦痛。卽除平復。如故。佛  
卽廣說。集一切福德。三昧最勝。聞法得無礙。辨佛  
說法已。還復不現。最勝仙人得辯。才已爲諸衆生  
廣說妙法。令無量衆生住三乘道。經千歲後。爾乃  
命終。生淨名王佛。普無垢國。由敬法故。今得成佛。  
佛告淨威。昔最勝者。今我身是。是以當知。若有人  
能恭敬求法。佛於其人。不入涅槃。法亦不滅。雖在  
異上。常面見佛。得聞正法。故云剝皮爲紙等也。二  
觀智釋者。謂觀察此身。若皮若骨。都無定實。舉體  
全空。無我我所。雖目覩似有之相。而乃如聚沫。如  
泡。如燄。如芭蕉。旣無自體。元同法界。如是。一推  
徵。三諦具足。成空假中之三觀。詮此義時。生得此  
解。契合圓機。便是寫經。經是詮表。生解義。不觀不  
推。卽心迷取相。是無經也。明果用中。現種種佛身  
者。謂卽兩重十身。融三世間十身中。有衆生身。國  
土身。業報身。聲聞身。緣覺身。菩薩身。如來身。法身。  
智身。虛空身。卽善財所遇諸善知識。皆不離佛身。  
故云種種。又統論佛身。有其多種。或說一身。卽一

法界身。或說二身。謂真身。亦名法界身。二應身。亦名生身。或說三身。謂法報化身。或說四身。開報爲二。一自受用身。二他受用身。或說五身。一堅固自性身。二福德莊嚴聚身。三受用智慧身。四作變化身。五淨法界身。或說十身。如前所明。乃至法界無盡身雲。若束而言之。不過體相用三體。卽法身。相卽報身。用卽化身。佛身功德。雖有無量。攝之不出於三身。今言種種者。卽可知也。或處轉輪聖王等者。轉輪聖王。人中第一。千子圍繞。七寶隨身。統攝四洲。大弘十善。相圓百福。足陷千輪。言七寶者。一輪寶。二珠寶。三女寶。四馬寶。五象寶。六王藏臣寶。七王兵臣寶。淨名經云。王有千子。端正勇健。能伏怨敵也。餘有銀輪。銅輪。鐵輪等。名爲小王。如菩薩瓔珞本業說。銀輪五百輻。王三洲。銅輪一百輻。王二洲。鐵輪五十輻。唯王南洲。法華經說。名小轉輪王也。又諸刹利非輪王者。大栗散等。皆名小王。或作彼王。處於衆會。化彼眷屬。或現諸身。在彼衆中。說法教化。故云處等也。或處刹利婆羅門等者。此舉四種族姓也。西域記云。若夫族姓殊者。有四流焉。一曰婆羅門。淨行也。守道居貧。潔白其操。二曰

利帝利王種也。舊云。利畧也。後人訛也。奕世君臨。仁恕為志。三曰。吠奢。舊云。毘舍。訛也。商貨也。貨遷有無。逐利遠近。四曰。戌陁。羅農人也。舊云。首陁。訛也。肆力疇墾。勤身稼穡。凡茲四姓。清濁殊婚。取通親飛。伏異路。內外宗枝。姻媾不雜。婦人一婢。終無再醮。自餘雜姓。寔繁種族。各隨類聚。難以詳載。君王奕世。唯利帝利。餘文可知。乃至示現。入於涅槃者。後明歸真。益物也。如我佛涅槃時。以佛神力。出聲普告。今日如來。欲入涅槃。若有疑者。今悉可問。為最後問。即於晨朝。面門放於種種色光。燿燿世界。遇斯光者。罪垢消滅。有聞聲者。舉聲悲哀。嗚呼慈父。苦哉痛哉。舉手拍頭。搥胸號喚。大地山河。皆悉震動。天人大眾。皆來集會。娑羅林間。禮佛悶絕。徧體血現。如波羅奢花。爾時世尊。出入種聲。普告大眾。莫大號哭。猶如嬰兒。各相裁抑。勿自亂心。即為說法。我今於此。顯難思議。現方便力。入大涅槃。示同世法。欲令眾生。知身如電。生戀慕善。生灰瀑河。漂流疾速。諸行輪轉。法應如是。汝等當知。此大涅槃。乃是諸佛金剛寶藏。常樂我淨。周圓無缺。諸佛於此。而般涅槃。最後究竟。理極無遺。諸佛

於此放捨身命。故名涅槃。如是爲說畧教誠已。告語阿難。說茶毘法已。以金手卻僧伽梨。顯出紫磨黃金師子之臆。上升虛空七多羅樹三十四返。告諸大衆。我欲涅槃。汝等淡心。看我金剛堅固不壞。紫磨黃金無畏色身。如優曇華。難可值遇。大衆應當淡心。瞻仰我涅槃後。應疾修有。早出三有。勿復懈怠。散心放逸。說是語已。出入諸禪。三返示誨已。於七寶床。右脅而臥。頭北足南。面西背東。卽於中夜入第四禪。寂然無聲。入於涅槃。佛涅槃已。時娑羅雙樹。東西二雙谷爲一樹。南北二雙亦合爲一樹。垂覆寶床。蓋如來身。自然變白。枝莖皮軟。自然爆裂。摧折無餘。是時大地諸出悉皆崩裂。大海涌沸。江河枯竭。日月無光。黑風鼓怒。吹扇砂塵。諸樹草木。摧碎墮地。皆各有聲。歎佛入滅。世無依怙。諸天哀慟。震大千界。哀哉哀哉。奈何奈何。何期今日人天之師。爲事究竟。無能留者。於是阿難悶絕。遽逗慰喻。水灑乃蘇。人天悶絕。皆大號哭。不能自制。各各相仰。互相勸喻。然後各辦廣大供養。依法茶毘。如轉輪王法。千氎纏身。灌諸香油。多積香木。然後以火焚而燒之。收拾遺形。起塔安置等。廣如經

說

○二辨能學

如是一切。我皆隨學。

○二例一切

如今世尊毗盧遮那如是。盡法界。虛空界。十方三世一切佛刹。所有塵中一切如來。皆亦如是。於念念中。我皆隨學。

○三總結無盡

如是虛空界盡。眾生界盡。眾生業盡。眾生煩惱盡。我此隨學。無有窮盡。念念相續。無有間斷。身語意業無。

有疲馱

○第九恆順衆生三一牒名

復次善男子。言恆順衆生者。

〔疏〕謂隨順衆生種種根性。饒益成就。卽利他行。佛言隨學生。生云恆順者。諸佛因果之行。可宗可慕。順於真理。故須運心做學。衆生善惡之行。不離迷心。粗獷乖道。非可執持等。故不言學。然不壞假名。不滅假相。法無自性。一切皆如。常以同體大悲融通。物我。故云恆順。如何順耶。先釋不順。反明順義。若見衆生是定有定。有則體異。眞性則阻隔。難化。故名非順也。若見衆生是定無定。無卽斷滅。斷滅亦異眞性。還成阻隔。亦非順也。今以普賢行願力。故普見衆生。無非性之緣起。既託眞性而現。故無自體。既云現也。則幻相歷然。非斷非滅。如鏡現面像。但云面無骨肉之自體。豈不現面像耶。如此普見衆生。是爲恆順也。故緣起章。以普賢行入佛界衆。

生界門中云。由衆生寂滅。本來自盡時。卽是法身  
界。法身隨緣成。有時卽衆生界。今以寂滅非無之  
衆生。恆不異真而成立。又以隨緣非有之法身。恆  
不異事而顯現。是故菩薩入衆生界時。卽是入佛  
界。入佛界時。卽是入衆生界也。問義理旣爾。何得  
復云衆生乖道。非可學耶。答衆生雖舉體全真。且  
不如是知。乖背此理。所作顛倒。不可做學。故緣起  
章。約衆生門中所見佛及衆生。皆是生滅善惡境  
界。良以情計不破。故所見佛亦同情計。當知衆生  
所見未曾有一佛清淨解脫者。是故識倒佛亦倒。  
情迷佛亦迷。故此云不可學也。問旣爾。何必隨順  
耶。答如有賢人。具足信義忠孝。忽然夢見殺害父  
母。造諸非法。衆人聞已。豈以夢造非法而棄之耶。  
然雖不可棄。豈可復欲做其夢事。造非法耶。若有  
棄者。效者。二皆癡狂。是知學衆生迷心之行者。或  
隔衆生。全云是妄者。二亦皆癡狂。所以不可學。但  
言順也。然雖不學。必須曠蕩虛心。物我無二。自覺  
真性。凡聖不差。上合十方如來。下合六道含識。如  
斯見解。如是用心。方名普賢行願。故前門令合諸  
佛。此門令合衆生也。妙哉必爾。智者詳焉。謂隨順



至他行者。順種類根性者。則不壞隨緣假相。饒益成就者。則順理觀之。令其稱真。一一離也。如下文中。爲作光明。貧得伏藏等。此義類例。如下七種代衆生苦中。六七二義。利他行也。故前隨佛學中。標云。自利也。亦可前智。此悲也。

○二釋相 二 一 正明

謂盡灑界。虛空界。十方刹海。所有衆生種種差別。所謂卵生。胎生。濕生。化生。或有依於地。水火風而生住者。或有依空。及諸卉木而生住者。種種生類。種種色身。種種形狀。種種相貌。種種壽量。種種族類。種種名號。種種心性。種種知見。種種欲樂。種種意行。種種威儀。種種衣服。種種飲食。處於種種村營聚落。城邑宮

殿。乃至一切天龍八部人非人等。無足。二足。四足。多足。有色。無色。有想。無想。非有想。非無想。如是等類。我皆於彼隨順而轉。種種承事。種種供養。如敬父母。如奉師長。及阿羅漢。乃至如來。等無有異。於諸病苦。爲作良醫。於失道者。示其正路。於闇夜中。爲作光明。於貧窮者。令得伏藏。菩薩如是平等饒益一切衆生。

〔疏〕謂盡下。所順衆生。如是等類下。正明隨順。四生

九類。義見普救夜神。〔鈔〕乃至下。攝所餘類中。言天龍等者。具如經末所明。有色

無色下。後明餘五義如下辨。後會釋疏意。疏四生至夜神者。四生。即卵胎溼化。更加有色。無色。有想。無想。非有想。非無想等。都成九類也。普救夜神。即前寄十地中之善友也。具足應言普救衆生。鈔德

王夜神。任菩提場。寄談慧地。得菩薩普現一切世  
間。調伏衆生。解脫門。彼亦有九類之文。隨順而轉  
者。隨如上。彼彼衆生。生起觀智。故云轉也。言如敬  
父母者。如本生心地觀中說。父有慈恩。母有悲恩。  
長養之恩。彌於普天。憐愍之德。廣大無比。世間所  
高。莫過山岳。悲母之恩。踰於須彌。世間之重。大地  
爲先。悲母之恩。亦過於彼。若背恩不順。令其怨念。  
父母發惡。子卽隨墮。世間之疾。莫過猛風。怨念之  
徵。復過於彼。以百千種。上妙供具。供養一百五通  
神。仙。一百淨行。一百善友。不如以微少物。供養父  
母。按量其福。不可爲比。如須闍提太子。自割身肉  
供養父母。行菩薩道。涅槃亦云。供養父母。得無量  
福。廣如經說。言如奉師長者。生我者。父母成我者。  
善友。生我法身。皆由師長。乃至教誨引導。直至菩  
提。阿羅漢者。梵語。翻就唐言。有其數義。今取三義。  
眞諦。三藏解云。阿羅漢者。此云不生。謂不於三界  
煩惱之中。更受生。成之報。故云不生。二名應教。謂  
自學已滿。將已所證。堪應教人。故名應教。三名應  
供。善見律云。是人智斷具足。是勝福田。堪銷物供。  
能生大利。故名應供。具此等義。故以名焉。今言恆

順還同於此也。如來可知。但以菩提賢行願之。乃令觀行徧法界。於如上種類眾生中。念念如此。以彼彼衆生有解會者。自露如上之益。言平等者。稱性菩提觀菩提也。

○二徵釋二一令佛喜

何以故。菩薩若能隨順眾生。則為隨順供養諸佛。若於眾生尊重承事。則為尊重承事如來。若令眾生生歡喜者。則令一切如來歡喜。

**疏**徵意云。但應順佛。何要順生。釋意云。若順眾生。

則為順佛。若不順生。佛不歡喜。鈔順生則為順佛。者此文既畧。更以

海印之喻。以明如香水海澄淨。須彌日月。四天下中種種衆生。種種國土。居處屋宅。皆於中現。若覩此像。是有命之衆生。有質之世界。是乖像也。非唯乖像。亦乖海也。必須定知此像。一一具鹹溼之體。

及不宿成。等十種之德。華嚴經二十九卷。說海有十德。以况十地。始名順像。既順像也。始得名爲順海。海卽如來像。卽衆生餘義。昭然可見。故出現品云。佛子。譬如大海。普能印現。四天下中一切衆生。色身形像。是故共說。以爲大海。諸佛菩提。亦復如是。普現一切衆生心念。根性欲樂。而無所現。是故經云。順生卽是順佛。乃至尊重承事歡喜等。是故說名諸佛菩提也。

○二增大悲。二。一微意云。生佛懸隔。何以順生。諸

佛歡喜。二釋意云。佛以大悲而爲體性。若不順

生。不合佛體。鈔。大悲而爲體性者。諸佛從因至果所作無不爲生。大悲般若常相

輔翼。方名無任涅槃。故悲是體也。文三。一法說

何以故。諸佛如來以大悲心而爲體故。因於衆生而起大悲。因於大悲生菩提心。因菩提心成等正覺。

**疏**卽標示同體大悲。鈔因於衆生至成等正覺者  
 智。智既圓矣。自名成佛。而菩提心。必具大悲大願。  
 大智等也。所以言諸佛如來。以大悲而爲體也。謂  
 佛。普賢攝化門中。普解一切。彌綸而不漏。稱之爲  
 大。見諸衆生。恆處生。五趣輪迴。造衆惡。因受諸  
 苦。楚如來。愍傷。深加惻愴。是故名爲大悲也。卽世間之  
 悲。不得名大。出世之悲。方名爲大。出世中。二乘之  
 悲。不名爲大。佛菩薩悲。方名爲大也。謂此大悲。是  
 衆行之首也。故理趣六波羅密經云。佛告慈氏。菩  
 薩摩訶薩。修行靜慮。波羅密多。應當修習大悲。無  
 量。謂此大悲。於諸善業。而爲導首。譬如命根。於出  
 入息。而爲其先。輪王七寶。而爲先。大乘萬行。大悲爲  
 先。譬如長者。唯有一子。父母憐念。徹於骨髓。菩薩  
 大悲。亦復如是。於諸有情。住於極愛。一子之地。又  
 此大悲。能作方便。成辦一切。助善提法。故又此大  
 悲。能悟無師自然智。故又此大悲。能除一切自心  
 熱惱。隨順有情。爲饒益。故是故如來。以此爲體也。  
 初標指經文中。疏同體大悲者。如向所引海中萬  
 像。與海同體。佛菩提中衆生。與菩提同體。法喻備

矣。故出現品云。如來成正覺時。於其身中。普見一切衆生成正覺。乃至普見一切衆生入涅槃。皆同一性。以了衆生皆無性故。大悲相續救護一切。引二教證成。出現品云。至一切者。此但以佛爲門。故云於其身中。若以衆生爲門。卽佛於衆生中成。故出現品次下云。菩薩應知自心。念念常有佛成正覺。何以故。諸佛如來。不離此心。成正覺故。如自心。一切衆生心。亦復如是。悉有如來成等正覺。廣大周徧。無有休息。更引此文對前者。以此門意。明生佛交徹。故大悲相續救護一切也。

○二喻明

譬如曠野沙磧之中。有大樹王。若根得水。枝葉華果。悉皆繁茂。

〔疏〕生於懸絕迴無所依。名為曠野。不生善根。喻以沙磧。佛菩提法。如大樹王。智慧禪定。猶如枝葉。菩薩依學。況之以華。諸佛證此。日之為果。一切衆生以爲其根。以大慈悲而爲其水。水滋樹根。華果繁茂。悲念萬類。成佛果因。合文備矣。〔鈔〕從喻至法。委先須分明見曠野中之樹身。就樹根而灌水。先須分明悟生於中之覺體。就覺心而起悲。若不見樹也。徧曠野而虛灌。但益疲勞。畢竟不生華果。若不悟覺體也。徧生於而起悲。但益愛見。畢竟不證菩提。或見樹根而不灌。亦華果不生。或悟覺體而不修。亦菩提不證。勉旃求悟。不得徒自勞形。努力修行。不得撥無因果。斯

○三法合

文圓妙諦而思之



生於曠野。菩提樹王。亦復如是。一切衆生而爲樹根。諸佛菩薩而爲華果。以大悲水饒益衆生。則能成就諸佛菩薩智慧華果。何以故。若諸菩薩以大悲水饒益衆生。則能成就阿耨多羅三藐三菩提故。是故菩提屬於衆生。若無衆生。一切菩薩終不能成無上正覺。善男子。汝於此義。應如是解。以於衆生心平等故。則能成就圓滿大悲。以大悲心隨衆生故。則能成就供養如來。

〔疏〕文四。一正合法。畧不合枝葉。二何以故下。重徵釋。三是故下。反結成。四善男子下。結示令知。鈔經云一

切衆生而爲樹根者。一切諸佛。無不從迷而悟。從  
妄而眞。淨名經云。煩惱卽菩提。又云。諸佛解脫。當  
於一切衆生心中求。法句經云。塵勞諸佛種也。  
重徵釋者。徵意云。何以益生。而成佛菩提。智豈不  
似與他飲食而自己空口飽耶。無此理也。答意難  
見。畧更分別。如何難見。以前文云。大悲益生。成就  
佛智。此還云。大悲益生。成就菩提。但以結前義。不  
似通難。今此再出經意。令其顯然。經意通云。夫智  
慧圓滿成就者。必須自他無異。物我同如。見一切  
衆生。皆是我覺心所現。故益他卽是益我。生圓我  
智方圓。故卻牒前語。生起義。勢云。以大悲水。饒益  
衆生。卽能成就阿耨菩提。故也。更詳連次下兩節  
經文。斯意轉顯也。上釋同體之文。雖具明此義緣  
要出此節經意。須更用之。言阿耨多羅者。此云無  
上也。言三者。此云正對邪立名。所言藐者。此云無  
齊等義。故文言三者。此亦云正圓滿義。故言菩提  
者。此云覺可貫上四處。應云無上覺。正覺等覺。正  
覺竝有所簡。所言正覺者。簡凡夫外道。彼邪覺故。  
言等覺者。簡二乘聖者。彼偏覺生空故。又云。正覺  
者。簡十地聖人。分覺二空。非正滿覺故。初言無上

覺者增勝而言。偏在法身。若通相論三身。如來並無上覺。故具上四義。故得阿耨多羅三藐三菩提。名也。是故至正覺者。意明菩提。屬於衆生。傷念滿權。教執文字之流。皆譏頓宗。云是佛境界。何關汝事。苦哉苦哉。今釋此一節。有二義。一對緣釋。二觀心釋。對緣者。如前文云。因於衆生而起大悲。乃至成正覺等。二觀心者。自有二意。一攀緣妄想。即是衆生妄起。卽不覺覺。卽無妄。合於本覺名爲成佛。二思惟觀察法義。此心念念生起。亦是衆生。必因此心念念推察。方見正理。成智方證菩提。故云爾也。

○三總結無盡

菩薩如是隨順衆生。虛空界盡。衆生界盡。衆生業盡。衆生煩惱盡。我此隨順。無有窮盡。念念相續。無有間斷。身語意業。無有疲厭。

○第十普皆迴向三一牒名

復次善男子言普皆迴向者

〔疏〕迴謂迴轉。向謂趣向。迴已修善。向於三處謂實

際。菩提及與衆生除陝劣障。生廣大善。善。迴已修

衆生者。然隨所向。義有衆多。以類通收。不出此三

處也。或開為十。一迴自向他。二迴少向多。三迴自

因行向他。因行四迴。因向果。五迴劣向勝。六迴比

向證。七迴事向理。八迴行布。行向圓融。行九迴。世

間向出世間。十迴順理事。向理所成事。十中初三

衆生。次三及第九。菩提。七八實際。第十通三。雖然

開為十。又合為二。謂隨相離相。衆生菩提隨相實

際離相。或衆生隨相菩提離相。實際非隨非離。然

雖開合多端。此二闕一不可。故光明覺品云。若於

一切智發。生迴向心。隨相也。見心無所生。離相也。

當獲大名。稱迴向也。若闕隨相。則墮二乘。若闕離

相。則墮凡夫。隨相護二乘。離相護煩惱。除陝劣障。

成廣大善者。顯益及所爲也。心不迴向。卽爲陝劣。以迴向心。一毫之善。皆徧法界。故云廣大如迴聲入角則遠聞。

○二釋相。二一明所迴善根。

從初禮拜。乃至隨順所有功德。

〔疏〕卽前九門也。

○二正明迴向。此中正明迴向衆生。今成菩提。卽向菩提。盡於法界。義同實際。所以要此三者。凡是菩薩。必大悲下化。大智上求。而離衆生及菩提相。又此三者。其必相資。一卽具二。方成其一。謂證實相。須向衆生。以化衆生成。其自利斷障。

證真故。亦向菩提。速證菩提。具一切智。斷於二障。方窮實際故。餘二準思。更以類取。畧有十意。謂依三法故。滅三道故。淨三聚故。顯三佛性故。成三寶。會三身。具三德。得三菩提。證三涅槃。安住三種秘密藏故。言三法者。卽體相用。亦三般若。謂向實際者。依於體法。向菩提者。依於相法。向衆生者。依於用法。餘九三法。次第準知。鈔言三般若者。謂具性般若。觀照般若。資成般若。此三名。五般若中。真性卽實相。觀照名同。資成卽攝境界。眷屬文字等。三般若。開卽爲五。合卽成三。後釋餘九三法。次第準知者。卽準初三。配向實際。菩提衆生也。謂一二云滅三道故者。見實際。方能滅苦。煩惱。惱空。卽得菩提。回結縛業。爲利生業。

等。三淨三聚者。謂向實際。故律儀離過。向菩提。故廣攝衆善。向衆生。故卽是饒益有情也。四顯者。卽是緣因。五成三寶者。向實際。成法寶。向菩提。成佛寶。向衆生成同體僧寶。六會三身者。謂法報化。七具三德者。謂向實際。成斷德。向菩提。成智德。向衆生成恩德。八得三菩提者。謂向實際。得實相菩提。向菩提。得實智菩提。向衆生。得方便菩提。菩提樹下。示成佛故。九證三涅槃者。謂性淨涅槃。圓淨涅槃。方便淨涅槃。薪盡火滅。是也。十安住三種秘密藏者。由向實際。則在法身。佛以法爲身。清淨如虛空。故由向菩提。能成般若。若菩提朗鑒。居然炤極。故由向衆生。能成解脫。自旣無縛。令他解縛。隨機應現。亦無礙解脫也。又此十內。舉一文二。一願離苦成善。乃至涅槃。爲首。展轉相由也。

皆悉迴向盡凜界。虛空界。一切衆生。願令衆生常得

安樂。無諸病苦。欲行惡。灑皆悉不成。所修善業皆速成就。關閉一切諸惡趣門。開示人天涅槃正路。

鈔皆悉。迴向至涅槃正路等者。既普法界一時皆願。則橫徧十方也。言常得等者。則豎窮二際也。

○二發心代苦

若諸眾生因其積集諸惡業故。所感一切極重苦果。我皆代受。令彼眾生悉得解脫。究竟成就無上菩提。

**疏**苦由業生。何能代之。畧有七意。一起悲意。樂自居凡境。事未必能。二修諸苦。行後能與物為增上緣。卽名為代。三畱惑潤生。受有苦身。為物說法。令不造惡。因亡果喪。卽名為代。四若見眾生造無間



業當受大苦。無異方便。要須斷命。自墮地獄。令彼  
 脫苦。卽名爲代。五由初發心。常處惡趣。乃至饑世  
 身爲大魚。卽名爲代。六大願與苦。皆同真性。今以  
 卽真之大願。潛至卽真之苦。七法界爲身。自他無  
 異。衆生受苦。卽是菩薩。上七義中。初唯意樂。次二  
 爲緣。次二實代。後二理觀。然約有緣。方能代爾。然約有緣。下通伏難。爲有問云。若依四五二義。應能  
 普代何故。猶有衆生受苦耶。故此答云。然約有緣。方能代爾。準大經鈔。更有二意。一業有定不定故。不定則可代。二若受苦有益。菩薩令受。方能究竟  
 得離故。如父母教子。付嚴師令治。如是密意。非凡小能知也。

○三總結無盡

菩薩如是所修迴向。虛空界盡。衆生界盡。衆生業盡。衆生煩惱盡。我此迴向無有窮盡。念念相續無有間斷。身語意業無有疲厭。

○四結益令知

善男子。是爲菩薩摩訶薩十種大願具足圓滿。若諸菩薩於此大願隨順趣入。則能成熟一切衆生。則能隨順阿耨多羅三藐三菩提。則能成滿普賢菩薩諸行願海。是故善男子。汝於此義。應如是知。

大科初正示普因四科竟

林泉比丘與燈敬捐貲刊刻  
 華嚴普賢菩薩行願品別行疏鈔纂要  
 第三卷上薦師祖大殿梁公業卸塵勞  
 神遊華藏繁興萬行具普賢之願王圓  
 悟一真入毘盧之性海供養諸佛於利  
 利塵塵廣度含生於在在處處四恩普  
 報三有均資法界有情同圓種智  
 康熙庚申仲秋  
 華藏室謹題

大方廣佛華嚴經普賢行願品別行疏鈔纂要卷第  
 一百之十九

吳師臯  
 詹拱北  
 全鐫